

Vinsælasti gosdrykkur heims:
Borið þungum sökum



4

Ólöglegt innhal:
Allar myndir á netinu



12-13

Sony og Napster:
Samstarf um tónlist í farsíma



8



MAGNÚS LOFTSSON, STJÓRNARFORMAÐUR HVÍTA HÚSSINS Segir viðskiptavini stofnunar starfa í alþjóðlegu umhverfi.

Hvíta húsið til London: Aðstoðar íslensk fyrirtæki erlendis

Auglýsingastofan Hvíta húsið hefur gert samstarffsamning við markaðsfyrirtækið Loewy í London. Markmiðið er að bjóða íslenskum fyrirtækjum og fjárfestum upp á þjónustu við markaðsstarf ytra. Einnig opnast leiðir til að nýta tengslanet Loewy og fá aðgang að upplýsingum um nýja markaði og sérfræðiráðgjöf.

Meðal viðskiptavina Hvíta hússins eru íslensk fyrirtæki sem vinna að verkefnum erlendis. Samstarfið við Loewy Group á að auðvelda Hvíta húsinu að annast þessi verkefni. - bg

Baugur Group: Kaupir þriðjung í Domino's

Baugur Group hefur keypt um þriðjungshlut í Domino's Pizza á Íslandi. „Við kaupum hlutinn af Birgi Þór Bieltvedt, sem mun leiða félagið áfram,“ segir Skarphéðinn Berg Steinarsson, framkvæmdastjóri hjá Baugi Íslandi. Birgir Þór verður áfram stór hluthafi í Domino's Pizza í gegnum eignarhaldsfélagið B2B.

Domino's er með sterka stöðu á flatbökumarkaðinum og hefur verið skotið á að markaðshlutdeild félagsins sé um 60 prósent. Skarphéðinn segir að engar breytingar verði á rekstrinum. Viðskiptin tengist ekkert fjárfestingu sömu aðila í dönsku verslunarkeðjunni Magasin du Nord.

Samkvæmt heimildum Markaðarins lá fyrir óformlegt tilboð í meirihluta í félaginu frá öðrum fjárfestum, sem mátu félagið á 700 milljónir, en ekkert varð að þeim kaupum. - eþa

FRÉTTIR VIKUNNAR

Viðskipti með Mosaic | Viðskipti hófust í Kauphöll Íslands með hlutabréf bresku verslunarkeðjunnar Mosaic Fashions. Var viðskiptagengi bréfanna tæplega níu prósent yfir útboðsgenginu.

Tekjur hækka | Meðalvatvinnutekjur Íslendinga voru rúmar 2,7 milljónir í fyrra og hækkuðu um þrjú prósent milli ára. Hæstar eru tekjurnar í fjármálaþjónustu en lágstar í landbúnaði. Konur fá 63,1 prósent tekna karla.

Penninn seldur

Endanlega var gengið frá kaupum hóps Kristins Vilbergs-sonar á Pennanum. Þar með lýkur 36 ára setu Gunnars Dungal í forstjórastóli.



Allt í hnút | Engin lausn er í sjónmáli í deilu Breta og Evrópusambandsins. Bretar neita að hækka framlag sitt til sambandsins nema landbúnaðarkerfið verði tekið í gegn. Frakkar, sem mestra landbúnaðarstyrkja njóta, vilja hins vegar ekki fallast á þá kröfu. Forseti Evrópuráðsins óttast að sambandið standi eftir lamað.

Fasteignaverð hækkar | Vísitala íbúðaverðs hækkaði í maí um 3,8 prósent frá fyrra mánuði. Vísitalan hefur hækkað um rúm tíu prósent síðastliðna þrjú mánuði og um tæp fjórtíu prósent á tólf mánuðum.

Olía á eld | Olíuverð er í sögulegu hámarki og stendur í 59 dölum. Spá sérfræðingar því að brátt fari tunnan yfir 60 dali. Svo óstöðugt er ástandið á markaðnum að smávægilegar truflanir á framleiðslu valda miklum hækkuðum.

Avion kaupir | Avion Group festi kaup á þremur breskum ferðaskrifstofum sem sérhæfa sig í ferðum til Flórída. Velta félagsins verður nálægt 125 milljörðum króna á árinu.

Huldufélag í Icelandic Group

Enginn virðist vita hver var sjötti stærsti hluthafinn í almenningshlutafélaginu Icelandic Group eftir sameiningu SH og Sjóvíkur.

Björgvin Guðmundsson
skrifar

Þegar tíu stærstu hluthafar í Icelandic Group, sem áður hét SH, var birtur eftir sameininguna við Sjóvík 10. júní síðastliðinn var félagið Fordace Limited það sjötta á listanum með 4,47 prósent eignarhlut.

Þegar listinn yfir tíu stærstu hluthafana var uppfærður síðasta föstudag var Fordace Limited dottið út af honum. Á mánudagsmorgun var svo tilkynnt í kauphöll Íslands um viðskipti fyrir tæpa 1,2 milljarða króna í Icelandic Group. Nýir á topp tíu listann eru Lífeyrissjóðir Bankastræti 7 og Arion safnreikningur með samanlagt um 4,5 prósent hlut.

Ekki hefur fengist uppgæfið hver réði yfir þessum sjötta stærsta hlut í félaginu. Ekki fást upplýsingar um það frá starfsmönnum Icelandic Group og stjórnarformaður félagsins, Jón Kristjánsson, segist ekki hafa vitneskju um málið. Forstjóri Fjármálaeftirlitsins vildi ekki gefa upp hvort hann vissi hver hefði átt hlutinn og ekki fengust upplýsingar um það frá Kauphöll Íslands.

Ljóst er að þetta félag eignaðist hlutinn eftir að SH og Sjóvík voru sameinuð. Fengu eigendur Sjóvíkur 33 prósent af hlutafélaginu Icelandic Group. Þar voru Sunds-menn, með Jón Kristjánsson í broddi fylkingar, stærstir. Annar eigandi í Sjóvík, Serafin Shipping,



HLUTHAFAR FUNDA Hluthafar í Icelandic Group virðast ekki vita hver varð sjötti stærsti hluthafinn eftir sameiningu SH og Sjóvíkur.

fékk um sex prósent í sameinuðu félagi samkvæmt heimildum Markaðarins. Samkvæmt upplýsingum frá Kauphöllinni var þeim hluta skipt á tvö félög þar sem hvorugt fór yfir fimm prósent markað. Fari félag yfir markað verður að gera grein fyrir eignaræild þess með tilkynningu til Kauphallarinnar.

Samkvæmt heimildum Markaðarins réð Ólafur Ólafsson, stjórnarformaður SÍF, yfir hlut Serafin Shipping í Sjóvík. Aðspurður um það vísar Ólafur á Jón Kristjánsson. Jón segist ekki geta svarað fyrir málið. Ólafur segist aðspurður ekki ráða yfir neinum bréfum í Icelandic Group. Þegar hann er spurður hvort hann hafi ekki fengið bréf í Icelandic Group við sameiningu SH og Sjóvíkur vísar hann til fyrra svars varðandi Serafin Shipping.

Big Mac dýrastur á Íslandi

Krónan ofmetin gagnvart Bandaríkjadal miðað við hamburgaravísitölu The Economist.

Dögg Hjaltalín
skrifar

Samkvæmt könnun The Economist er Big Mac hamburgari á McDonalds dýrastur í Sviss en ef Ísland er tekið með í niðurstöðurnar er Big Mac langdýrastur hér á landi. Með þessu er reynt að sýna fram á hversu mikill munur er á raunverulegu virði gjaldmiðla.

Big Mac vísitalan er nálgun á það hversu mikill munur er á verðlagi eftir löndum og þar sem Big Mac er nánast eins hver sem er í heiminn er verðið á honum góður

mælikvarði á almennt verðlag.

Samkvæmt kenningum um kaupmáttarjafnvægi eiga samþærligir hlutir að kosta það sama óháð því hvar í heiminum hluturinn er seldur. Einhver skekkjumörk eru þó vegna þess að kostnaðurinn við hvern hamburgara er breytilegur eftir því í hvaða landi hann er keyptur.

Taka þarf þó tillit til þess að kostnaðurinn við framleiðslu eins Big Mac er mismunandi, til dæmis er launakostnaður á Íslandi, þar sem Big Mac er dýrastur mun hærri en í Kína, þar sem hann er ódýrastur.



BIG MAC VÍSITALAN

	Verð í \$	Miðað við USA
Ísland	6,73	120%
Danmörk	4,58	50%
Svíþjóð	4,17	36%
Evrusvæðið	3,58	17%
Bretland	3,44	12%
Bandaríkin	3,06	-
Pólland	1,96	-36%
Rússland	1,48	-52%
Kína	1,27	-58%

The Economist sagði Big Mac vísitöluna sýna að evran væri ofmetin gagnvart Bandaríkjadal þar sem Big Mac er 17 prósent dýrari á evrusvæðinu en í Bandaríkjunum. Einnig gefa niðurstöurnar til kynna að kínverska yuanið sé vanmetið gagnvart Bandaríkjadal og sömuleiðis að krónan sé sterklega ofmetin.



6,8%*

Peningabréf Landsbankans

Góð og örugg ávöxtun á lausafé fyrir einstaklinga, fyrirtæki, sveitarfélög og aðra fjárfesta. Kynntu þér ótvíræða kosti Peningabréfa hjá ráðgjöfum Landsbankans.

*Nafnávöxtun frá 02.05.2005–01.06.2005 á ársgrundvelli.

Peningabréf eru fjárfestingarsjóðir í skilningi laga nr. 30/2003, um verðbréfasjóði og fjárfestingarsjóði. Athygli fjárfesta er vakin á því að fjárfestingarsjóðir hafa rýmri fjárfestingarheimildir skv. lögnum heldur en verðbréfasjóðir. Um frekari upplýsingar um sjóðinn, m.a. hvað varðar muninn á verðbréfasjóðum og fjárfestingarsjóðum og fjárfestingarheimildir sjóðsins, vísast til útboðslýsingar og úrdráttar úr útboðslýsingu sem nálgast má í afgreiðslum Landsbanka Íslands hf. auk upplýsinga á heimasíðu bankans www.li.is

GENGISPRÓUN

	Vika	Frá áramótum
Actavis	0%	2%
Atorka	0%	1%
Bakkavör	5%	52%
Burðarás	1%	23%
Flaga Group	-8%	-31%
FL Group	1%	60%
Íslandsbanki	-3%	18%
Kaupþing Bank	-1%	18%
Kögun	1%	29%
Landsbanki Ísl.	-1%	36%
Marel	0%	15%
Og Vodafone	-3%	23%
Samherji	0%	9%
Straumur fjárf.	-2%	27%
Össur	3%	5%

*Míðað við gengi í Kauphöll á mánudag

Fasteignaverð lægra en á Norðurlöndum

Drátt fyrir miklar hækkningar er fasteignaverð lagt í samanburði við nágrannahjórinnar.

Fasteignaverð í Reykjavík er ekki mjög hátt í samanburði við hinar Norðurlandahjórinnar að því er kemur fram í Hálfimmfréttum KB banka. Þar segir að þrátt fyrir miklar hækkningar á fasteignaverði að undanförunu sé fasteignaverð á höfuðborgarsvæðinu lagt í samanburði við flestar nágrannahjór okkar.

Fasteignaverð á hvern

fermetra er hæst í Stokkhólmi, svo Osló, þar á eftir Kaupmannahöfn og svo Helsinki.

Um þessar mundir er fermetraverð í Reykjavík svipað og í Árhúsum og Gautaborg. -dh

FERMETRAVERÐ HÆST Í STOKKHÓLMI Fasteignaverð á höfuðborgarsvæðinu lægra en í höfuðborgum hinna Norðurlandanna.



Skoða Actavis

Páll Gunnar Pálsson, forstjóri Fjármálaeftirlitsins, sagði í gær að ekki væri enn komin niðurstaða í athugun eftirlitsins á meintum upplýsingaleka frá Actavis.

Viðskipti með bréf félagsins voru stöðvuð í Kauphöllinni 13. maí síðastliðinn vegna gruns um að jafnræðis gætti ekki meðal fjárfesta.

Grunur lék á að upplýsingar um væntanleg kaup Actavis á bandarísku samheitalyfjafyrirtæki hefðu lekið út. Stuttu síðar staðfesti félagið að það væri langt komið í viðræðum um kaup á fyrirtæki, sem síðar varð raunin. - bg

Refsitollar aflagðir

„Við erum núna komin með þann ramma utan um SÍF sem við höfum verið að boða,“ segir Jakob Sigurðsson forstjóri. Afraksturinn hafi verið góður á fyrsta ársfjórðungi þar sem sést hvernig nýtt SÍF, sem einbeittir sér að matvælaframleiðslu, lítur út.

Það sem hefur valdið nokkrum erfiðleikum á öðrum ársfjórðungi er refsitollar sem ESB setti á norskan lax. „Þeim aðgerðum hefur nú verið hætt og tekið upp það fyrirkomulag sem áður var við lýði, sem er lágmarksverð á laxi sem seldur er til ESB-landa,“ segir Jakob. - bg

Eyriir hagnast á FL Group

Stjórnarmenn og stórir hluthafar kaupa.

Eyriir fjárfestingarfélag, sem er í eigu Árna Odds Þórðarsonar, stjórnarmanns í FL Group, og Þórðar Magnússonar, seldi í gær þriggja prósent hlut í FL Group. Feðgarnir keyptu hlutinn í mars og er söluhagnaður af viðskiptunum um 100 milljónir króna. Söluverðið var 1,2 milljarðar króna.

Kaupendur bréfanna eru tveir stærstu eigendur félagsins, Oddaflug í eigu stjórnarformanns Hannesar Smárasonar og Saxbyggs, sem er í eigu Saxhóls og Byggingarfélag Gylfa og Gunnars. Einnig keypti Mannvirki ehf., félag í eigu Pálma Kristinnssonar, stjórnarmanns í FL Group, hlutabréf af Eyri. Kaupverðið var 15,8 krónur á hvern hlut.

FL Group hefur hækkað mest allra félaga á þessu ári eða um 60 prósent. - epa



EYRIIR HAGNAST Fjárfestingarfélagið Eyriir seldi þriggja prósent hlut í FL Group og hagnaðist um 120 milljónir á þremur mánuðum. Kaupendurnir eru stærstu hluthafar FL Group og stjórnarmenn.

Sláturfélag Suðurlands:

Stærstu með 55 prósent

Tveir af stærstu hluthöfnum í Sláturfélagi Suðurlands, Guðmundur A. Birgisson frá Núpum og Ólafur Ívan Wernersson, tilkynntu á mánudaginn að þeir hefðu aukið við hlut sinn í B-deild félagsins. Guðmundur á orðið 15,4 prósent en átti 12,3 prósent. Eignarhlutur Ólafs Ívans er 10,2 prósent en var fyrir viðskiptin 7,1 prósent. Seljandi bréfanna var Gildi lífeyrissjóður.

Þrjár stærstu hluthafar B-bréfa í SS eiga nú um 55 prósent en Frjálsi fjárfestingarbankinn er stærsti hluthafinn með um 30 prósent. - epa



SLÁTURFÉLAGIÐ Guðmundur A. Birgisson og Ólafur Ívan Wernersson hafa bætt við sig hlutabréfum í B-deild Sláturfélags Suðurlands. Samanlagt ráða þeir um fjórðungi bréfa í B-deildinni.

Meðalatvinnutekjur kvenna hækkuðu meira en karla

Meðalatvinnutekjur eru langhæstar á höfuðborgarsvæðinu. Tekjur kvenna nema rúmum 63 prósentum af tekjum karla. Tekjur eru lægstar í landbúnaði en formaður Bændasamtakanna segir umfang landbúnaðar í landinu óþekkt stærð.

Jón Skaftason
skrifar

Meðalatvinnutekjur á Íslandi voru 2.716 þúsund krónur á mann árið 2004 og hækkuðu um þrjú prósent milli ára, kemur fram á vef Hagstofu Íslands.

Atvinnutekjur voru langhæstar á höfuðborgarsvæðinu eða 2.901 þúsund krónur og hækkuðu um 3,8 prósent frá árinu áður. Utan höfuðborgarsvæðisins voru meðaltekjur 2.420 krónur þúsund og hækkuðu um 1,4 prósent.

Meðalatvinnutekjur kvenna hækkuðu um 4,5 prósent á árinu en karla um tvö prósent. Bilið milli kynjanna heldur því áfram að minnka en þó eru tekjur kvenna aðeins rúm 63 prósent tekna karlanna.

Meðalatvinnutekjur voru hæstar í fjármálaþjónustu eða rúmar fjórar milljónir á ári og hækkuðu um tæp tólf prósent milli ára. Tekjur voru lægstar í landbúnaði, 1.037 þúsund krónur og lækkuðu um tæp tuttugu prósent frá árinu 2003.

Haraldur Benediktsson, formaður Bændasamtakanna, sagði þau tíðindi grætileg en þó ekki óvænt: „Það hefur orðið verðfall á kjöti, launagreiðslur hafa minnkað og skuldir aukist. Það hlýtur náttúrulega að vera slæmt að tekjur í greininni dragist saman.“

Haraldur telur þó að ekki sé hægt að alhæfa nokkuð um landbúnaðinn út frá þessum tölum því umfang landbúnaðarins sé í rauninni frekar óþekkt stærð: „Þarna er landbúnaðurinn skilgreindur sem framleiðsla á mjólk, kjöti og garð-



ILLA BORGAD Meðalatvinnutekjur bænda námu á síðasta ári 1.037 þúsund krónum og lækkuðu um tæp tuttugu prósent frá árinu áður.

ávöxtum. Skilgreiningin ætti hins vegar að vera mun víðari og taka til þátta eins og þjónustulandbúnaðar, sem er þá ferðaþjónusta, leiga á landi og svo framvegis.“

Árið 2004 voru heildarvinnutekjur þjóðarinnar 448 milljarðar króna og jukust um 5,4 prósentu stig milli ára.

Samson enn saman

Magnús Þorsteinsson hefur ekki enn kvatt Samson-félögin.

Magnús Þorsteinsson, aðal-eigandi Avion Group, hefur ekki enn sagt skilið við Samson-félögin, sem hann á með Björgólfsfeðgum. Tilkynning var send fjölmiðlum 27. maí síðastliðinn um að hann hefði ákveðið að selja eignarhlut sinn í félögunum, sem eiga hlut í Landsbanka Íslands og Burðarási.

Ásgeir Friðgeirsson, talsmaður Samson, segir ekkert ýta verulega á eftir þessari uppstokkun félaganna. Sérfræðingar séu að vinna málið áfram og það verði tilkynnt þegar því er lokið. Menn



MAGNÚS ÞORSTEINSSON Magnús er enn með í Samson-félögunum.

séu ekki bundnir neinum reglum eða undir þrýstingi.

Í tilkynningunni kom fram að Magnús hygðist einbeita sér að fjárfestingum í almennri flutningastarfsemi og flugrekstri. Síðan þá hefur hann keypt í Eimskipi fyrir um 22 milljarða króna. Fjármögnun kaupanna er lokið, meðal annars með lán-töku en hluti verður greiddur með bréfum í Avion Group í síðasta lagi í janúar á næsta ári. Í fyrradag tilkynnti hann kaup Avion á þremur breskum ferðaskrifstofum. - bg

Við færum þér fjármálaheiminn

E*TRADE

Nú býst þér að eiga milliliðalaus verðbréfavíðskipti með E*TRADE í gegnum netið á stærsta verðbréfamarkaði heims, Wall Street í Bandaríkjunum, og á mörkuðum í Svíþjóð, Finnlandi og Danmörku. Kynntu þér málið á www.landsbanki.is



Landsbankinn
Banki allra landsmanna

410 4000 | www.landsbanki.is

Örgjörvi – enn meira öryggi með VISA!



PIN í aðalhlutverki



Kort með örgjörva auka öryggi í viðskiptum, enn sem komið er aðallega erlendis, m.a. með því að nú kvitta menn ekki lendum fyrir með undirskrift heldur slá inn **PIN-númer**.

Leggðu PIN-númerið á minnið.

Allar nánari upplýsingar á www.visa.is.



VISA – ávallt í fararbroddi með tæknilegar nýjungar.

VISA Ísland - Greiðslumiðlun hf. Sími 525 2000 www.visa.is



Novator bætir við sig

Novator Finland, eignarhaldsfélag sem er í eigu Björgólfs Thors Björgólfssonar, hefur keypt um ellefu prósent hlut í finnska farsímafyrirtækinu Saunalahti á tæpa 24 milljarða króna. Á Novator nú alls tæplega 45 prósent hlut í fyrirtækinu. Novator hefur auk þess gert hluthafasamkomulag við aðra stóra hluthafa sem tryggir yfirráð í félaginu.

Saunalahti hefur verið í mikilli sókn á finnska fjarskiptamarkaðnum og hefur viðskiptavinum fyrirtækisins fjölgað á skömmum tíma úr tæplega 30 þúsundum í 400 þúsund. -jsk



BJÖRGÓLFUR THOR, EIGANDI NOVATOR FINLAND Novator hefur keypt ellefu prósent hlut í finnska farsímafyrirtækinu Saunalahti.

Afli eykst á árinu

Veiðar á botnfiski aukast en minnka á kolmunna.

Afli í maí dróst saman um tuttugu þúsund tonn borið saman við sama tímabil á síðasta ári. Heildaraflinn í maí var alls 135 þúsund tonn. Þó jókst aflinn fyrstu mánuði ársins 2005 miðað við árið 2004 eða um 126 þúsund tonn. Heildaraflni íslenskra fiskiskipa frá því í byrjun fiskveiðiársins í september síðastliðnum var um 1.426 milljónir tonna en 1.348 milljónir tonna á fyrra tímabili.

Samkvæmt tölum frá Fiskistofu jukust veiðar á botnfiski

um fimm þúsund tonn í maí, þótt þorsk- og grálúðaflinn hafi verið minni. Minna veiddist af kolmunna og sild en þar var samdráttur um 24 þúsund tonn. Kolmunninn dróst saman um rúm tuttugu þúsund tonn á milli maímánaða. - eþa

FISKVEIÐAR Þrátt fyrir aflsamdrátt í maí hefur heildaraflinn aukist á árinu frá sama tímabili í fyrra. Aukningin á árinu er um 126 þúsund tonn.



Undirbýr sölu Stangarholts

Ingvi Hrafn Jónsson vill láta fóðra seiði Langár með ösku sinni.



INGVI HRAFN JÓNSSON Er tilbúinn að selja jörðina Stangarholt við Langá.

Ingvi Hrafn Jónsson, þáttastjórnandi á Talstöðinni og eigandi jarðarinnar Stangarholts við Langá, segir að milli sextíu og sjötíu manns hafi í síðustu viku komið að skoða frístundalóðir sem hann er að selja á jörðinni. Nú þegar séu um fjörutíu lóðir seldar.

Hver lóð er um tveir til fimm hektarar. Hver hektari selst á 550

þúsund með vegi og vatni að lóðamörkum. Samtals fara undir frístundalóðirnar um 400 hektarar af 500 hektara landi sem Stangarholt stendur á. Miðað við að hver lóð sé um 3,5 hektarar mun Ingvi Hrafn fá samtals 115 milljónir fyrir lóðirnar, en einhver kostnaður fellur til á móti.

Hann segist líka búinn að finna kaupendur að bæ og útihúsum Stangarholts sem séu sér að skapi. Nú sé hann í viðræðum við þá um kaup á jörðinni sem fari ekki undir frístundalóðirnar. Hann muni þó áfram búa sjálfur í húsi sínu við árbakka Langár.

„Ég er búinn að mæla svo fyrir um að þegar ég fer þá verð ég brenndur og fóðraður seiðum í Langá. Það má dreifa ösku í vatn. Og síðan verður hægt að selja Vinstri grænum veiðileyfi í Langá tveimur árum seinna, sem geta þá barið mig í hausinn,“ segir Ingvi Hrafn og reiknar með að veiðileyfin hækki mikið í verði í kjölfarið. -bg



STÆRSTA ÚTIBÚIÐ Landsbankinn í miðbæ Reykjavíkur er bæði með mestu innlán og mestu útlán útibúa viðskiptabankanna.

Aðalbanki Landsbankans stærsta bankaútibúið

Útibú Landsbanka og Íslandsbanka á Akureyri stærst á landsbyggðinni.

Dögg Hjaltalín
skrifar

Aðalbanki Landsbanka Íslands er stærsta einstaka útibú viðskiptabankanna þriggja, Íslandsbanka, Landsbankans og KB banka. Innlán, það eru bankainnstæður í eigu viðskiptavina bankanna, nema tæpum 34 milljörðum í stærsta einstaka útibúinu, Aðalbanka Landsbankans. Þar á eftir kemur Gullinbrúarútibú Íslandsbanka með 12 milljarða í útlán og fjóra milljarða í innlán. Athygli vekur hversu mikill munur er á innlánnum og útlánnum í því útibú. Lækjargötuútibú Íslandsbanka kemur næst á eftir með 11 milljarða í útlán til viðskiptavina. Þar eru innlánin mun hærri, 17 milljarðar.

Það kemur ekki á óvart að tvö stærstu útibú landsbyggðarinnar séu á Akureyri þar sem það er fjölmennasti bærinn fyrir utan höfuðborgarsvæðið. Stærst er útibú Íslandsbanka þar en á hæla þess kemur útibú Landsbankans þar ef miðað er við útlán. Innlán útibús Landsbankans eru þó hærri en innlán útibús Íslandsbanka. Þar á eftir kemur Selfoss,

þar sem útlánin eru lægri en innlánin.

Útibú KB banka á Hellu er fjórða stærsta útibú landsbyggðarinnar en þar búa tæplega 700 manns en gera má ráð fyrir að nærsveitningar nýti sér einnig útibú KB banka á Hellu. Næst á eftir kemur útibú Íslandsbanka í Vestmannaeyjum.

Útlán höfuðstöðva bankanna vega þó þyngst í útlánnum bankanna og eru útlán höfuðstöva Landsbankans mest eða 312 milljarðar króna. Þar á eftir

koma höfuðstöðvar Íslandsbanka með 279 milljarðar króna. Útlán höfuðstöðva KB banka eru 265 milljónir króna. Útlán og innlán bankanna jukust mjög mikið á síðasta ári.

Alengt er að útlán útibúa séu til einstaklinga og smærri rekstraraðila en höfuðstöðvarnar láni fyrirtækjum.

Tölur um útlán og innlán útibúa viðskiptabankanna voru fengnar í skýrslu um fjármála- stofnanir á vef Fjármálaeftirlitsins.

TÍU STÆRSTU ÚTIBÚ VIÐSKIPTABANKANNA Á HÖFUÐBORGARSVÆÐINU OG UTAN ÞESS

Útibú	Útlán	Innlán	Útibú	Útlán	Innlán
Aðalbanki Lí	22,8	33,6	Akureyri ÍSB	9	6,5
Gullinbrú ÍSB	12,2	3,8	Akureyri Lí	8,1	7,5
Lækjargata ÍSB	11,4	17	Selfoss Lí	5,4	6,3
Austurbær Lí	10,5	11,6	Hella KB	5	5
Kirkjusandur ÍSB	10	22,2	Vestmannaeyjar ÍSB	4,4	3,8
Aðalbanki KB	8,1	13,6	Akranes Lí	4,2	4,1
Breiðholt Lí	7,8	7	Selfoss KB	4	2,7
Suðurlandsbraut ÍSB	7,6	8,8	Ísafjörður ÍSB	3,9	2
Parabakki ÍSB	5,7	7,7	Akureyri KB	3,8	4,2
Kópavogur KB	5,4	4,5	Selfoss ÍSB	3,7	2,8

Allar tölur eru í milljörðum króna

Coke borið þungum sökum

Gosdrykkjaframleiðandinn Coca-Cola hyggst endurskoða viðskiptahætti sína í Indlandi og Kólumbíu eftir að háskólinn í Michigan hótaði að segja upp samningi sem skólinn gerði við fyrirtækið. Samningurinn er 80 milljóna króna virði á ári fyrir Coca-Cola.

Nemendur í Michigan-háskóla kvörtuðu yfir viðskiptaháttum Coca-Cola við skólayfirvöld og var í kjölfarið ákveðið að setja skilmála við endurnýjun samningsins.

Eitt nemendafélaga skólans sakar Coke um að

valda þurrkum á ökrum bænda í Indlandi og að selja gosdrykki sem innihalda skordýraeitur. Fyrirtækið er jafnframt sakað um að styðja hægri-sinnaða skæruliða í Kólumbíu.

„Við höfum ekkert rangt gert og ég er fullviss um að rannsóknin muni leiða það í ljós,“ sagði Kari Bjorhus, talsmaður Coca-Cola. -jsk



SKÆRULIBADRYKKUR? Coca-Cola er sakað um stuðning við hægri-sinnaða skæruliða í Kólumbíu.

Er þér heitt?



**Skrifstofur
Tölvurými
Fundasaliir
Vinnslusalir**

Lofftkæling frá 49.900 án vsk.

ís-húsið 566 6000
kælivélalagerinn

SPRON með þriðjung tekna

Fjármálaeftirlitið hefur birt tekjur og gjöld sparísjóðanna. Hlutdeild SPRON í vaxtatekjum og vaxtagjöldum sparísjóðanna á síðasta ári var um 30 prósent. Heildarvaxtatekjur allra sparísjóðanna 24 voru tæpir 18,5 milljarðar króna en vaxtagjöldin um 10,7 milljarðar. Sparísjóður Hafnarfjarðar kemur næst á eftir með 15

prósent hlut. Hlutdeild SPRON í öðrum rekstrartekjum er enn hærri. Hreinar rekstrartekjur sparísjóðsins voru um fimm milljarðar króna sem er yfir 31 prósent af samanlögðum hreinum rekstrartekjum sparísjóðanna. Þar af var hlutdeild SPRON í gengishagnaði af fjármálastarfémi 41,6 prósent. - eþa



STÆRSTI SPARISJÓÐURINN SPRON er með langhæstu hlutdeildina innan sparísjóðanna í hreinum vaxta- og rekstrartekjum samkvæmt tölum frá FME.

Tveir hópar etja kappi. Langskólagengnir takast á við ómenntaða reynslubolta. Hver verður næsti lærlingurinn hjá Donald Trump? Fylgstu með frá byrjun.

THE APPRENTICE

Á fimmtudagskvöldum kl. 20:30



ÚTRÁSARVÍSITALA 110,35 1,25%

Fyrirtæki	Land	Gengi	Gjaldmiðill	(Gengi gjaldmiðils)	Breyting
BTC	Búlgaría	393,18	Lev	40,88	0,46%
Carnegie	Svíþjóð	82,50	SEK	8,63	1,84%
deCode	Bandaríkin	8,28	USD	65,21	6,80%
EasyJet	Bretland	2,43	Pund	119,09	-4,78%
Finnair	Finnland	7,14	EUR	79,65	-0,05%
French Connection	Bretland	2,70	Pund	119,09	-0,11%
Intrum Justitia	Svíþjóð	53,00	SEK	8,63	2,50%
Low & Bonar	Bretland	0,97	Pund	119,09	0,35%
NWF	Bretland	5,37	Pund	119,09	-0,08%
Scribona	Svíþjóð	14,70	SEK	8,63	4,01%
Singer & Friedlander	Bretland	3,15	Pund	119,09	1,48%
Skandia	Svíþjóð	41,90	SEK	8,63	3,76%
Somerfield	Bretland	1,96	Pund	119,09	-0,27%

Míðað við gengi bréfa og gjaldmiða 20. júní 2005

SÖGUHORNID

Amazon.com – tíu ára

Netbóksalan Amazon.com fagnar um þessar mundir tíu ára afmæli sínu. Hyggst fyrirtækið halda upp á afmælið með trompi og heldur risatónleika, þar sem meðal annars koma fram Bob Dylan og Norah Jones. Aðgang fá þó einungis starfsmenn fyrirtækisins, hinir verða að gera sér að góðu að sjá tónleikana í gegnum vefsíðu Amazon.

Amazon var stofnað árið 1995 af Jeff Bezos, sem nú er stjórnarformaður fyrirtækisins. Bezos hafði áður selt bækur út úr bílskrúnum heima hjá sér og ári áður hafði hann stofnað aðra netbókabúð, Cadabra.com. Sú varð þó ekki langlíf og var rekstri fljótleiga hætt. Bezos gafst þó ekki upp og stofnaði Amazon.

Á þessum árum var internetið að festa sig í sessi og fékk Bezos þá flugu í höfuðið að fyrst hefðbundin bókabúð gæti selt 200 þúsund bækur á ári, gætu selt margfalt fleiri bækur í gegnum netið. Það reyndist rétt hjá honum.

Það byrjaði þó heldur brösluglega hjá fyrirtækinu og var það rekið með tapi fyrstu árin. Árið 1997 var fyrirtækið sett á hlutabréfamarkað en ávöxtun hluthafa var í fyrstu heldur lítil. Höfðu margir á orði að Amazon yxi heldur hægt samanborið við önnur internetfyrirtæki.

Amazon var þó eitt þeirra fyrirtækja sem eftir stóðu þegar netblaðran sprakk árið 2000 og



JEFF BEZOS, STOFNANDI AMAZON.COM Fyrirtækið fagnar um þessar mundir tíu ára afmæli sínu. Bezos hyggst af því tilefni halda risatónleika fyrir starfsmenn sína.

smám saman byrjuðu hjólin að snúast. Árið 2002 var í fyrsta skipti afgangur af rekstrinum og á síðasta ári var hagnaður Amazon um 50 milljarðar króna.

Amazon er ekki lengur einungis bóksala og má í dag finna þar nánast allt milli himins og jarðar; allt frá matvælum og verkfærum að raftækjum og skartgripum.

Fyrirtækið rekur einnig fjöldann allan af vefsíðum og hlíðarverkefnum; frægast þeirra er líklega kvikmyndagagnagrunnurinn Internet Movie Database (www.imd.com), þar sem finna má upplýsingar um allt milli himins og jarðar er við kemur kvikmyndum.

Jeff Bezos þykir hafa unnið mikið afrek með því að koma Amazon á laggirnar og er talinn til frumkvöðla er kemur að verslun á netinu. Hið virta bandaríska tímarit Time valdi hann til að mynda mann ársins 1999. -jšk

Carlsberg til Kína

Danski bjórrisinn hefur fest kaup á bjórverksmiðju í Kína. Hvergi er bruggaður meiri bjór en í Kína.

Danski bjórrisinn Carlsberg hefur komist yfir 46 prósent hlut í kínverskri bruggverksmiðju. Kaupverðið var um 150 milljónir króna og var Carlsberg eini bjóðandinn.

Vill Carlsberg með kaupunum minnka framleiðslukostnað og auka umsvif sín í Vestur-Kína. Fyrirtækið á nú þegar nokkrar bjórverksmiðjur í Kína, auk einnar í Tibet.

Forsvarsmenn Carlsberg stað-

festu kaupin, en vildu ekki tjá sig um málið að öðru leyti.

Kína er stærsti bjórframleiðandi veraldar, þrátt fyrir að meðalneysla á mann sé einungis tíundi hluti af því sem



tíðkast á Vesturlöndum. Kínverska bjóriðnaðarsambandið segir framleiðslu hafa aukist um fimmtán prósent á síðasta ári og búast þeir við frekari aukningu í ár, en í landinu eru meira en 400 bruggverksmiðjur. -jšk

BJÓR Carlsberg hefur komist yfir stóran hlut í kínverskri bruggverksmiðju. Fyrirtækið á nokkrar verksmiðjur fyrir í landinu.

Enn hækkar olíuverð

Olíuverð hefur hækkað um þrjátíu prósent á þessu ári. Sérfræðingar óttast að framleiðsluaukning nægi ekki til að knýja fram verðlækkunir og tala um að olíuskortur sé á næsta leiti.

Jón Skaftason
skrifar

Olíuverð hefur hækkað gríðarlega undanfarið misseri og stendur nú í rúmum 59 dölum á tunnu. Olíuverð hefur á árinu hækkað um 30 prósent og sér ekki fyrir endann á hækkunum.

Í síðustu viku tóku samtök olíuframleiðsluríkja, OPEC, þá ákvörðun að auka ársframleiðslu um hálf milljón tunna og freista þess þannig að knýja fram verðlækkunir.

Sérfræðingar telja hins vegar ólíklegt að það ætlunarverk takist. Í fyrsta lagi sé ekki gefið að framleiðendur ráði við aukninguna og í öðru lagi sé eftirspurn svo gríðarleg að óvíst sé að verð lækki þrátt fyrir að framboð aukist.

Eftirspurn hefur undanfarið aukist mjög í Bandaríkjunum, þar sem sumarfrí standa nú yfir og bensínþörfin eftir því. Einnig heldur olíuþörf Kínverja áfram að aukast samfara sífellt meiri framleiðslu.

Síðasta áfallið dundi svo yfir í Nígeríu á dögum en nokkrar stórþjóðir; til að mynda Bandaríkin, Bretland og Þýskaland, neyddust til að loka sendiráðum sínum í Lagos, stærstu borg landsins, eftir að sprengjuhótanir bárust frá íslömskum vígamönnum.

Nígería er áttunda stærsta olíuframleiðsluríki veraldar og kaupa Bandaríkjamenn mikla olíu þaðan. Ástandið í landinu hefur undanfarið ekki verið beysið, í síðustu viku var til að mynda þremur starfsmönnum olíurisans Shell rænt en þeim var síðan sleppt nokkrum dögum seinna.



OLÍUHREINSISTÖÐ Í KALIFORNÍU Bandaríkjamenn framleiða talsvert af olíu en þurfa einnig að kaupa hana annars staðar frá. Nú óttast menn að olíuskortur kunnist að koma upp eftir að fréttir bárust af miklum óstöðugleika í Nígeríu, sem er áttundi stærsti olíuframleiðandi veraldar.

Þóttu þessir atburðir leiða í ljós þann titring sem ríkir meðal olíuframleiðenda en ekki þarf mikið til að skortur verði á olíu. Svo er komið að smávægilegar truflanir geta valdið miklum verðhækkunum.

Tobin Gorey hjá Samveldisbankanum sagðist efast um að framleiðendur önnuðu eftirspurn: „Olíubirgðir eru af skornum skammti og eftirspurn mikil. Það er ekki ólíklegt að skortur verði á olíu í náinni framtíð“.

Daniel Hynes, sérfræðingur í orkumálum hjá ANZ banka, var ekki bjartsýnni: „Það er ólíklegt að bandarískir olíuframleiðendur anni eftirspurn landa sinna. Það kæmi mér ekki á óvart þótt verð skytist yfir 60 dali á næstu misserum“.



Lincoln Aviator

Lincoln Navigator

Lincoln Mark LT
Væntanlegur

Þekkir þú tilfinninguna þá stund þú rennur að landi eftir góðan dag? Taugarnar farnar að róast og bjartsýnin fyllir mann og annan gleði og krafti? Hvernig það er að ljúka deginum í sátt og samlyndi við Guð og nátturuna - renna sér uppí jeppann og rétt finna þýða V8 Lincoln vélna þjóna þér sem sægreifa? Tilfinningin er einungis þeirra sem reynt hafa. Safín-nikkel. Amerísk hnota. Hanskaleður í sætum. Þú ekur Lincoln Aviator í kvöldroðanum og heldur þig á flugi og mjúkum skjýjum. Lincoln er handverk sem er unnið af alúð og myndar glæsileika sem á sér enga fyrirmynd. Yfirmáta fjölbreyttur. Sérlega fagaður. Framúrskarandi. Þetta er Lincoln. Lúxusmerkið sem vinir okkar vestra velja af öryggi fyrir forseta Bandaríkjanna. Góður fyrir þig líka.

Háþróuð rafeindastýrð Lincoln stöðugleikastýring með veltivörn fylgist stöðugt með hreyfingum bílsins. Nemi kerfið



www.lincoln.is

möguleika á veltu grípur það sjálfkrafa inn í aksturinn áður en þú verður þess var. Kerfið aðstoðar þig og dregur úr vélaraffli og hemlar hjólin þangað til stöðugleika hefur verið náð. Lincoln Aviator þjónar sex, jafnvel sjö manns. Velliðan er besta öryggið í akstri og er að finna í smáatriðum. Þú velur sætaskipan á þann hátt sem enginn annar bíll í sama flokki býður. Prófaðu.

Lincoln THX hljómkertið* þjónar sex diskum og níu hátalarar stýra tónaljóðinu. Hönnuðir Lincoln og THX unnu saman við að þróa einstakt hljómkertið þar sem hinn eini sanni hljómur er samur við hvaða styrk sem er. Þetta er Lincoln. Mælikvarði á amerískan lúxus sem loksins er í boði fyrir kröfuharða Íslendinga. Breyttu til. Veldu Lincoln Aviator.

Komdu í Brimborg og þú ert á öruggum stað viljir þú þjónustu sérfræðinga Lincoln á Íslandi. Brimborg. Reykjavík, Akureyri, Reykjanesbæ.



Lincoln Aviator Luxury AWD 4.6 V8 302 h.ö. bensín 5 þrepa sjálfskipting. Verð 5.965.000 kr.*
Lincoln Navigator Luxury 4x4 5.4 V8 300 h.ö. bensín 6 þrepa sjálfskipting. Verð 6.985.000 kr.*
Lincoln Navigator Ultimate 4x4 5.4 V8 300 h.ö. bensín 6 þrepa sjálfskipting. Verð 7.385.000 kr.*



Bretar skulda

Talsmaður breska bankans Lloyds TSB hefur varað við mikilli skuldasöfnun viðskiptavina bankans en segist þó telja að bankinn muni skila „þokkalegum“ hagnaði á árinu.

Gjaldþrot hafa aukist gríðarlega í Bretlandi það sem af er ári og nema skuldir þjóðarinnar tæpum tveimur milljónum króna á hvert



BECKHAM-HJÓNIN Ekki er gert ráð fyrir því að hjónakornin dragi saman neyslu sína þrátt fyrir mikla skuldasöfnun bresku þjóðarinnar.

mannsbarn.

Svo virðist sem almenningur geri sér grein fyrir því að svona gangi þetta ekki til lengdar og hefur neysla dregist saman í landinu. Hafa sérfræðingar lýst áhyggjum af því að bankakerfið kunnir að verða illa úti: „Því er ekki að neita að neysla hefur dregist saman og almenningur er skuldugur upp fyrir haus. Við vonumst nú samt til að skila hagnaði á árinu,“ sagði Eric Daniels, stjórnarformaður Lloyds. -jsk

Gríðarlegur viðskiptahalli

Viðskiptahalli hefur aldrei verið meiri í Bandaríkjunum. Er innflutningi frá Kína og flóðbylgjunum í Asíu kennt um.

Viðskiptahalli í Bandaríkjunum var á fyrsta ársfjórðungi rúmum 12.500 milljarðar króna. Er þetta meiri halli en gert var ráð fyrir í spám og aukning um fjóran og hálfan milljarð króna frá síðasta ársfjórðungi 2004.

Viðskiptahallinn nemur nú rúmum sex prósentum af landsframléiðslu í Bandaríkjunum og segja sérfræðingar það hlutfall allt of hátt. Bandaríkjadalur féll í verði er fréttirnar bárust.

Er þessi gríðarlegi halli rakinn til mikils innflutnings Bandaríkjamanna á kínverskum vörum, auk þess sem stuðningur við fórnarlömb flóðbylgjanna í Asíu reyndist hagræfningur þungur í skauti.

„Þetta er mikið áhyggjuefni og alls ekki það sem vonast var eftir.



VIÐSKIPTAHALLI Hefur aldrei verið meiri í Bandaríkjunum. Sérfræðingar hafa miklar áhyggjur.

Hallinn hefur aldrei verið meiri,“ sagði hagfræðingurinn Allan Seychuk hjá RBC-ráðgjafarfirmatækinu. Kollegi hans Drew Matus hafði líka miklar áhyggjur af stöðunni: „Við þurfum heldur betur að bretta upp ermarnar ef við ætlum okkur að greiða fyrir alla þessa neyslu.“ -jsk

Myrtur af aðskilnaðarsinum?

Tjétsjenskur aðskilnaðarsinni verður ákærður fyrir að hafa fyrirskipað morðið á ritstjóra hins rússneska Forbes. Ritstjórinn átti sér marga óvildarmenn.

Rússneskir saksóknarar hyggjast lögsækja háttsettan mann innan hreyfingar tsjetsjenskra aðskilnaðarsinna, Khozh-Akhmed Nukajev, fyrir að hafa fyrirskipað morð á Paul Klebnikov, ritstjóra rússneskrar útgáfu viðskiptatímaritsins Forbes.

Klebnikov var skotinn til bana fyrir utan skrifstofu sína í júlí í fyrra og vakti morðið gríðarlega athygli. Klebnikov hafði þá nýlega skrifað bók um Nukajev sem bar heitið „Samtal við villimann“ og virðist bókartitillinn hafa farið fyrir brjóstið á Nukajev, svo mjög að hann fyrirskipaði að Klebnikov skyldi myrtur.

Þó telja margir að rússneski yfirvöld séu aðeins að bregðast við þrýstingi Bandaríkja-stjórnar, sem leggur hart að Rússum að leysa málið, enda Klebnikov bandarískur ríkisborgari. Klebnikov átti sér marga óvildarmenn innan viðskiptalífsins og fóru opinská skrif hans og herferð gegn spillingu fyrir brjóstið á mörg-



PAUL KLEBNIKOV, FYRRVERANDI RITSTJÓRI HINS RÚSSNESKA FORBES Saksóknarar segja Klebnikov hafa verið myrtan vegna bókaskrifa. Hann skrifaði bók um tsjetsjenskan aðskilnaðarsinna sem bar nafnið „Samtal við villimann“.

um áhrifamönnum: „Það verður að leysa málið á sómasamlegan hátt. Síðustu ár hafa tólf blaðamenn verið myrtir í Rússlandi og ekkert verið aðhafst,“ sagði Michael Klebnikov, bróðir ritstjórans látna. -jsk

Hátt fall auðkýfings

Japanski viðskiptajöfurinn Yoshiaki Tsutsumi, sem á níunda áratugnum var ríkasti maður veraldar samkvæmt hinu virta bandaríska viðskiptatímariti Forbes, hefur játað að vera sekur um skjálafals og innherjaviðskipti.

Verði hann fundinn sekur á hann yfir höfði sér allt að átta ára fangelsi og fimm milljóna króna sekt.

Tsutsumi var eitt sinn formaður japönsku Ólympíu nefndarinnar og geysivinsæll í Japan. Eitthvað hefur þó saxast á auðæfi hans síðan á níunda áratugnum, en engu síður eru þau metin á um 160 milljarða króna.

Tsutsumi er 71 árs og auðgæddist á hótél- og járnbrautarekstri.



YOSHIAKI TSUTSUMI Eitt sinn ríkasti maður veraldar, en á nú yfir höfði sér fangelsisdóm.

-jsk

Japanir sportlegir

Ríkisstjórn Japans hvetur Japani til að klæðast léttum og sportlegum fatnaði í vinnunni. Telur stjórnin að með því megi spara kostnað við loftkælingu. Hálsbindaframleiðendur hóta lögsókn.

Japanskir hálsbindaframleiðendur hafa hótad japanska ríkinn lögsókn eftir að ríkisstjórn landsins ýtti úr vör herferð sem ætluð er til þess að fá fólk til að klæðast frjálsglega í vinnunni.

Herferðin ber heitið „Enginn jakki, ekkert bindi“ og vonast ríkisstjórnin til þess að með því að fá fólk til að klæðast sportlegar og léttar megi spara orkuna sem fer í að halda loftkælingu á vinnustöðum gangandi.

Ráðherrar ríkisstjórnarinnar eru í fararbroddi herferðarinnar og hafa þeir undanfarna daga mætt hver öðrum léttklæddari til starfa. Forsætisráðherra sjálfur, Junichiro Koizumi, kom til vinnu á dögnum í mosa-



RÍKISSTJÓRN JAPANS HVETUR PEGNANA TIL AÐ KLÆÐAST LÉTT Þessi unga stúlka lét ekki segja sér það tvisvar og skipaði dragtinni út fyrir léttari klæðnað.

grænni stuttermaskyrtu sem hann girti ofan í ljósgráar buxur og sagði stærsta tískublað Japans hann hafa líkst „ellilífeyrisþega við garðvinnu“. Innanríkisráðherra, Taro Aso, tollir betur í tískunni en þykir þó heldur „mafiósalegur“, með stóra og þykka gullkeðju um hálsinn.

Hálsbindaframleiðendum er þó ekki hlátur í huga en þeir óttast að sölutölur hrífðalli í kjölfar herferðarinnar: „Það er allt í lagi að klæðast sportlega. Gallinn er bara sá að herferðin kemur niður á okkur. Við útilokum ekki lögsókn,“ sagði Tetsuo Yamada, talsmaður Sambands japanskra hálsbindaframleiðenda. -jsk



Tilfinningin fyrir Lincoln er einungis þeirra sem reynt hafa.

LINCOLN

NÆR TIL

HEIMILA
DAG
HVERNNOTAÐU ÖFLUGASTA FJÖLMÍÐIL
LANDSINS TIL AÐ DREIFA SKILA-
BOÐUM TIL PINNA VIÐSKIPTAVINA

Með því að dreifa innskotsblöðum og efni með Fréttablaðinu nærðu til 86% heimila um allt land og tryggir hámarksnýtingu á markaðsfé þínu.

Hafðu samband við auglýsingadeild Fréttablaðsins í síma 550 5010 eða augl@frettabladid.is og kynntu ér verð og dreifimöguleika.

FRÉTTABLAÐIÐ

Þróun mannsins var í stökkum

Genabreytingar geta verið litlar í hundrað þúsund ár en miklar breytingar geta orðið á skömmum tíma.

Þróun mannsins á sér stað í hröðum stökkum með löngu millibili en ekki vegna hægfara breytinga yfir langt tímabil. Þessa niðurstöðu styður ný rannsókn, sem gengur þvert á hefðbundnar hugmyndir.

Vísindamenn í Bandaríkjunum hafa skoðað breytingar á afmörkuðu svæði á litningi með tilliti til þess hvenær þær breytingar urðu sem aðskilja menn, og aðra háþróaða apa, frá frumstæðari frændum okkar. Niðurstaðan er sú að þessar breytingar hafi átt sér stað á stuttum tíma en síðan hafi liðið allt að tuttugu milljón ár án þess að viðkomandi litningur tæki breytingum.

Svo virðist sem að fyrir um tuttugu milljón árum hafi orðið mikla breytingar en fyrstu mennirnir komu á sjónarsviðið fyrir um tvö hundruð þúsund árum. Vísendingar eru uppi um að fyrir um fimmtíu milljónum ára hafi annað slíkt stökk átt sér stað og þá hafi



HÁPRÓAÐUR API Frændur okkar simpansarnir hafa ekki þróast jafn hratt og við mennirnir upp á síðkastið en það er aldrei að vita nema þeir eigi inni nokkur stór stökk fram á við.

þær tegundir sem teljast til forfedra okkar tekið miklum breytingum á skömmum tíma. - þk

Engar þversagnir í tímaferðalögum

Tveir eðlisfræðingar telja að ferðalög til fortíðar feli ekki í sér þversagnir. Engu er þó lofað um hvenær slík ferðalög verði möguleg.

Ferðalög til fortíðar kunna að vera möguleg. Tveir eðlisfræðingar telja sig hafa sýnt fram á að þversagnir í tímaferðalögum geti ekki átt sér stað í raunveruleikanum en lengi hefur verið talið að slíkar þversagnir sýni fram á að ómögulegt sé að ferðast aftur í tímann.

Klassískasta dæmið um þversögn í tímaferðalögum felst í því að einstaklingur ferðist til fortíðarinnar og myrði einhvern forfedra sinna og/eða komi í veg fyrir eigin fæðingu. Þetta var til að mynda vandamál Marty McFly í Back to the Future en hann þurfti að hafa sig allan við til þess að foreldrar hans næðu



AFTUR TIL FORTÍÐAR? Þeir félagar Marty McFly og Dr. Brown þurftu að glíma við ýmsa erfiðleika þegar þeir ferðuðust til fortíðarinnar á delorean sportbíl.

saman á skólaballi en ella hefði hann sjálfur aldrei fæðst.

Ferðalög til framtíðar fela

hins vegar ekki í sér sambærilega áhættu enda eru allir á stöðugu ferðalagi inn í framtíðna. Það er hins vegar vitað að hægt er að ferðast hraðar fram í tímann með því að ferðast á miklum hraða úti í geimnum. Slík tímaferðalög eiga sér stað í mýflugumynd til dæmis þegar menn ferðast út í geim. Þegar geimfarar snúa til baka hafa þeir elst örlítið minna en þeir sem voru eftir á jörðinni.

Eðlisfræðingarnir Daniel Greenberger og Karl Svozil hafa unnið rannsókn sem virðist sýna fram á að jafnvel þótt ferðast sé aftur í tímann sé ómögulegt að hafa áhrif á rás atburða. - þk

Tónlist beint í símann

Sony-Ericsson og Napster hafa tilkynnt um samstarf og munu símnötendur geta halað inn tónlist tölvulaust og beint í gegnum símann innan árs.

Farsímaframleiðandinn Sony-Ericsson og veftónlistarfyrtækið Napster hyggjast bjóða símnötendum upp á þá þjónustu að hala inn tónlist af Napsterforritinu í gegnum farsímann. Verður þetta mögulegt í Evrópu innan árs.

Napster var brautryðjandi í innhali tónlistar af netinu, en var gert að hætta starfsemi vegna þess að innhalið þótti stangast á við höfundarréttarlög. Í dag er Napster tónlistarsala á netinu og fá flytjendur sinn skerf af sölnni.

Margir nýjustu farsímarnir geta spilað MP3-tónlist en á símanum er hins vegar ekki ýkja mikið minni. Telja þó sérfræðingar að aðeins sé tímaspursmál hvenær síminn og MP3-spilarinn verða eitt og sama tækið.



Sumir draga þó í efa að raunveruleg eftirspurn sé eftir þjónustunni. „Það er miklu ódýrara að hala inn heilan geisladisk í gegnum netið en að fá eitt lag í símann“, sagði John Strand, símasérfræðingur danska ráðgjafafyrirtækisins Strand Consulting. Hann sagði að Sony-Ericsson væri einungis að reyna að höfða til ungs fólks með því að vinna með fyrirtæki á borð við Napster: „Þótt þú farir út á lífið með Madonnu gerir það þig ekki að góðum söngvara“. - jsk

FRAMTÍÐIN? Brátt munu notendur geta halað inn tónlist beint í gegnum símann. Sérfræðingar telja að brátt verði síminn og MP3-spilarinn eitt og sama tækið.

Trójuhestar í Bretlandi

Asískir tölvuþrjótar hafa undanfarið sent tölvuvírusa í miklum mæli á opinberar stofnanir og fyrirtæki í Bretlandi. Er um að ræða svokallaða „trójuhesta“ en það eru vírusar sem sendir eru á tölvukerfi og gera sendandanum kleift að fylgjast með öllu sem fram fer innan kerfisins.

„Þegar trójuhesturinn hefur tekið sér bólfestu innan tölvukerfis má nota hann til að finna út leyriorð og leita upplýsinga auk þess sem þeir geta leitt til þess að tölvukerfi hrynji og gríðarlegt magn upplýsinga tapist,“ sagði talsmaður bresku stofnunarinnar NISCC, sem hefur yfirumsjón með tölvumálum í landinu, og bætti við: „Það steðjar mikil hættu að innviðum stjórnerkisins“.



TRÓJUHESTAR Svokallaðir trójuhestsvírusar geta valdið gríðarlegum skaða innan tölvukerfa.

Er talið líklegt að tölvuþrjótararnir séu í peningaleit og freisti

þess að finna verðmætar upplýsingar innan tölvukerfanna. - jsk



LUKE CHADWICK OG NICKY BUTT Þriðjungi minni líkur eru á að Chadwick fá hjartaáfall en Butt.

Fagnaðarefni fyrir bólugrafna drengi

Bólugrafnir unglingspiltar eru ólíklegri til að fá hjartaáfall síðar á ævinni en þeir sem eru lausir við slík vandamál.

Rannsóknin var gerð í Bretlandi. Fylgst var með tíu þúsund mönnum og í ljós kom að þeir sem voru bólugrafnir í æsku voru í þriðjungi minni hættu á að fá hjartaáfall. Vísindamennirnir sem unnu rannsóknina segja að

líklegt sé að ástæða niðurstöðunnar tengist hormónastarfsemi sem einnig veldur unglingsbólum.

Sá böggull fylgir hins vegar skammrifi að mun meiri líkur voru á því að bólugrafnir drengir fengju krabbamein í skjaldkirtlinn síðar á ævinni þótt ekki hafi tekist að sýna fram á óyggjandi tölfræðileg tengsl þar á milli.

Gott að eiga gamla vini

Mikilvægara er að eiga góð tengsl við vini sína en fjölskyldu ef markmiðið er að lifa langa ævi. Vísbendingar um þetta er að finna í nýlegri ástralskri rannsókn.

Fylgst var með fimmtán hundruð einstaklingum í tíu ár en þeir voru allir yfir sjötugu þegar rannsóknin hófst. Tíu árum síðar höfðu 22 prósentum færri látist í hópi þeirra sem áttu samskipti við fimm vini eða fleiri en í hópi þeirra sem voru vinafærri.

Ekki virðist hafa áhrif á langlífi hvort samskipti við fjölskylduna séu mikil eða lítil. Vísindamennirnir telja huganlegt að samskipti við fjölskylduna kunni í einhverjum tilvikum að valda streitu en slíkt sé sjaldgæfara í samskiptum jafnaldr.



TRAUSTIR VINIR Hasarmyndahetjurnar Sly og Arnold ættu að halda góðu sambandi enda gæti það lengt lífslíkur beggja.



EGYPTALAND TIL FORNA Forn-Egyptar kunnu svo sannarlega að skemmta sér og þótti fátt flottara en rauðir glermunir meðal ríka og fræga fólksins.

Rautt gler stöðutákn

Egyptar fjöldaframleiddu gler fyrir meira en 3.000 árum. Rautt gler þótti eftirsóknarverðast og líkja vísindamenn mikilvægi þess við kjarnorku dagsins í dag.

Fornleifafræðingar telja sig hafa fundið sannanir þess að Forn-Egyptar hafi fjöldaframleitt gler fyrir meira en 3.000 árum. Áður var talið að Egyptar hefðu flutt inn gler frá Mesópótamíu, þar sem nú eru Sýrland og Írak, en fornleifauppgröftur við árósa Nílar hefur leitt annað í ljós.

Fundu vísindamennirnir rústir glerverksmiðju frá 13. öld fyrir Krist. Í rústunum voru fjörutíu heilir glerlistmunir og voru flestir þeirra rauðir að lit. Rautt gler var afskaplega sjald-

gæft á fornöld og þótti mikil munaðarvara.

Telja vísindamennirnir að rauðir glermunir hafi verið nokkurs konar stöðutákn og nokkuð sem ríki gátu státað sig af við nágranna sína. Einn fornleifafræðinganna, dr. Tilo Rehren, líkti rauðu gleri við kjarnorku: „Það má framleiða orku á marga aðra vegu, en kjarnorkan er nokkurs konar stöðutákn. Aðeins stórveldi búa yfir kjarnorku og í fornöld framleiddu einungis stórveldi rautt gler“.

- jsk

Sérðu stundum ekki skógininn fyrir trjánnum?



Hafðu samband við fyrirtækjaraðgjöf Og Vodafone í síma 599 9500 eða sendu tölvupóst á 5999500@ogvodafone.is

Heyrumst!





KJARTAN ÓLAFSSON HJÁ KREDITTBANKEN Norskur sjávarútvegur er á mikilli siglingu þessa dagana. Með breytingum á fiskveiðistjórnunarkerfinu vonast Norðmenn til að rekstur greinarnar batni til muna. Á móti eru byggðar- og samfélagsleg sjónarmið í sjávarútvegi ríkjandi sem falla ekki endilega saman við arðsemisjónarmið.

Norðmenn líta til Íslands

Norðmenn hafa gert miklar breytingar á sínu fiskveiðistjórnunarkerfi til þess að bregðast við miklum rekstrarvanda greinarinnar. Kjartan Ólafsson hjá KredittBanken lýsir því í samtali við Eggert Þór Aðalsteinsson hvernig sjávarútvegurinn er smám saman að færast í átt til þess sem er á Íslandi en verkefnið er langt í frá auðvelt vegna rómantískrar sýnar og samfélagslegra sjónarmiða.

KredittBanken í Álasundi, sem er alfarið í eigu Íslandsbanka, leggur mikla áherslu á sjávarútveg. Kjartan Ólafsson fer fyrir sjávarútvegssviði bankans en hann starfaði áður sem viðskiptastjóri hjá Íslandsbanka með áherslu á alþjóðasjávarútveg. Hann nam í Tromsø og er öllum hnútum þaulkunnugur þegar kemur að því að ræða um norskan sjávarútveg og horfurnar í greininni.

KRAFA UM HAGKVÆMNI

Kjartan segir að undanfarin áratug hafi Norðmenn tekið skref til hagræðingar í sjávarútvegi, enda var það óumflýjanlegt eftir langt tímabil tapreksturs. Landvinnslan hefur verið gerð upp með tapi, sem og útgerðin. Eina útgerðarformið sem hefur verið að gera það gott er uppsjárveiðar, það er veiðar á kolmunna, síld og makríl.

Nú hefur verið opnað fyrir ákveðnar breytingar í norsku sjávarútvegi sem eiga að auka hagkvæmni greinarinnar. Í mars á þessu ári var frystitogurum og togurum leyft sameina þrjá kvóta á eitt skip. Sams konar breyting átti sér stað um áramótin í smábáta-útgerðinni. Einn kvóti í kerfinu er um það bil 1.500 tonn. Í gamla kerfinu dugði einn kvóti togara í þrjá mánuði. Einnig var opnað meira fyrir tilfærslur þó þannig að hluti af kvóta er löndunarskyldur á ákveðnum stöðum. „Áður fyrr var kerfið mjög þungt í vöfum. Óheimilt var erfitt að færa kvóta á milli skipa og gerðar miklar kröfur um hvar aflann væri landað. Það mátti ekki færa kvóta frá Norður-Noregi til suðurs þótt það hafi mátt færa frá suðri til norðurs,“ segir Kjartan.

Mun betri nýting næst á fiskiskipaflotanum og fiskistofnunum með þessum breytingum. Nú verður hægt að gera sama skipið út allt árið um kring og veiða aflann jafnar á árinu, sem stuðlað að því að gæði fiskisins aukast og afurðaverð hækkar.

Smábátarnir eru kallaðir strandveiðiflotinn og fiska um 70 prósent af öllum afla sem er landaður á markaði. Kjartan segir að þessi hlutföll lýsi mjög vel norsku kultúr. Það er eftirsóknarvert að eiga skip og stunda dálitla sjósókn, það er að geta veitt síld og þorsk, einkum yfir vertíðina.

SAMFÉLAGSLEGT VÆGI

Stóri munurinn á norskum og íslenskum sjávarútvegi er tvenns konar: Í Noregi er alveg skilið á milli veiða og vinnslu. Utgerðin verður að vera í eigu sjómanna, það er þeirra sem hafa haft sjómennsku að aðalstarfi á síðustu þremur árum af fimm. Þeir einir mega vera skráðir fyrir kvóta á skip. Hitt sem skilur að er svokölluð löggjöf frá 1938 sem segir að allur fiskur verður að fara á markað. Allar breytingar sem síðar hafa orðið má skýra af þessu tvennu.

Markmiðið með norsku fiskveiðistjórnunarlögunum er ferns konar. Í fyrsta lagi að tryggja sjómanninum atvinnu en norskir sjómenn eru þrisvar sinnum fleiri en þeir íslensku. Bygðarsjónarmið vega þungt á metunum og á sjávarútvegur að tryggja atvinnu með ströndinni og í nyrstu héruðunum. Eðlileg endurnýjun fiskistofnanna skiptir miklu máli þannig að auðlindin sé vel nýtt og sjálfbær. Fjórdi þátturinn er hagkvæmni og hagkvæm nýting. „Þú sérð það sjálfur að þessir fjórir þættir fara illa saman og erfitt að hámarka hvern og einn,“ segir Kjartan. „Breytingar verða ekki innan kerfisins án þess að þær komi ekki illa við aðra þætti. Frystihúsum í Noregi hefur fækkað úr 54 niður átta á fáeinum árum og fólki hefur fækkað á mörgum stöðum sem gera út á fiskveiðar. Það er lán í óláni að olíuöndurinn hefur á sama tíma verið að færast norður á bóginn og komið í staðinn,“ segir hann.

FJÖLGUN Í KAUPHÖLL

Á sama tíma og skráðum sjávarútvegsfélögum hefur fækkað ört í íslensku kauphöllinni er þróunin þveröfug í Noregi. Nú eru fimm útgerðarfélög skráð í norsku kauphöllina og hafa þau gert góða hluti á undanförunum vikum. Kjartan nefnir að seint í apríl hafi Aker Seafoods, stærsta sjávarútvegsfyrirtækið í veiðum og vinnslu á Norður-Atlantshafi, verið skráð á markað. Félagið veltir 25 milljörðum norskra króna og er markaðsverðmæti þess um sautján milljarðar króna. Á dögunum keyptu íslenskir fjárfestar skuldabréf í Aker Seafoods fyrir fjóra millj-

arða króna. Íslandsbanki sá um útbóðið í samvinnu við DnB Nor.

Flestir telja að hér sé um mjög jákvæða þróun ræða og fjölmiðlar eru farnir að beina sjónum sínum að sjávarútvegi. „Pan Fish, sem hefur verið vandræðabarn í norsku fiskeldi og hrundi þegar fiskeldið lenti í hvað mestu basli, hefur rokið upp síðustu vikurnar. John Fredriksen, ríkasti maður Noregs, keypti um helmingshlut í því á dögunum. Þessi maður hefur aldrei fengist við sjávarútveg þannig að þetta er mjög jákvætt fyrir greinina,“ bendir Kjartan á.

Fyrir utan Aker Seafood og Pan Fish eru fyrir í norsku kauphöllinni Domstein, sem stundar veiðar og vinnslu á villtum tegundum, fiskeldisfélagið Fjord Seafood og Lerøy Seafood, sem eru norsku sölusamtökin. Lerøy er sterkt og stöðugt félag sem hefur alltaf skilað jákvæðri afkomu þrátt fyrir mikila erfiðleika í atvinnugreininni á undanförunum árum.

Kjartan býst við frekari fjölgun skráðra útgerðarfyrirtækja á næstu tveimur árum og telur að hagræðingin í sjávarútvegi verði mun hraðari fyrir vikið og opni leið fyrir nýtt folk inn í greinina.

ÍSLAND MIKIL FYRIRMYND

Norðmenn hafa verið að átta sig á því að þeir eru tíu til fimmtán árum á eftir Íslendingum í sjávarútvegi og þær breytingar sem hafa orðið á fiskveiðakerfi þeirra tekur mið af því íslenska. Arðsemin í íslenskum sjávarútvegi batnaði mikið eftir að kerfi frjálstra framsala aflaheimilda var komið á fót. Framlegðarhlutfall hækkaði meðal annars úr fimm prósentum í 25 á tíu árum. Þannig gat útgerðin fært kvóta á milli skipa og veitt á færri skip. Stjórnendur Aker Seafoods telja að í nýja kerfinu geti sparast þrjú til fjórir milljarðar króna með því að fækka skipum úr sautján í 10-12.

„Norðmenn horfa mjög til Íslands við breytingar sínu fiskveiðistjórnunarkerfi og spyrjast mikið fyrir hjá Íslandsbanka um hitt og þetta. Þeir hafa áhuga á að skoða hvernig við höfum okkar kerfi og uppbyggingu fiskistofna.“

Sjávarútvegsfyrirtæki í norsku kauphöllinni

AKER SEAFOODS

Eitt stærsta útgerðarfélag Noregs með 30 prósent af togarakvótanum og helming landvinnslunnar. Gengishækkun frá áramótum: 20,0%
Markaðsvirði: 17 milljarðar
Hagnaður (2004): 310 millljónir

DOMSTEIN

Félagið stundar veiðar og vinnslu. Flytur ferskan og frosinn fisk til Evrópu. Stærsti hluthafinn í Fjord Seafood með um 15 prósentu hlut. Gengishækkun frá áramótum: 24,8%
Markaðsvirði: 4,9 milljarðar
* Hagnaður: 80 millljónir

FJORD SEAFOOD

Leiðandi fyrirtæki í laxeldi. Stundar vinnslu og sölu á laxi og silungi. Gengishækkun frá áramótum: 30,4%
Markaðsvirði: 23 milljarðar
* Hagnaður: 3.500 millljónir

LERÖY SEAFOOD GROUP

Ein stærstu sölusamtök Noregs í sjávarútvegi. Stór fjárfestir í framleiðslu sjávarafurða í Noregi, Svíþjóð og Bretlandi. Gengishækkun frá áramótum: 39,3%
Markaðsvirði: 19 milljarðar
* Hagnaður: 398 millljónir

PAN FISH

Einn laxeldisframleiðandi í heimi sem rekur stöðvar í Noregi, Danmörku, Bandaríkjunum, Færeyjum og víðar. Gengishækkun frá áramótum: 12,9%
Markaðsvirði: 26 milljarðar
* Hagnaður: 2.400 millljónir

* Á fyrsta ársfjórðungi

Mánaðaráskrift að DV og 5 eintök af Hér&nú á aðeins 2.400 krónur



á meðan 5 stk. af Séð og heyrt
kosta 1995 krónur.*


Hvort er betri dill?

Við bendum þeim sem hafa áhuga á fólki og brennandi þjóðfélagsmálum góðfúslega á að með áskrift að DV fylgir nýja blaðið Hér & nú! Fylgstu með og fáðu dagblað og vikulegt tímarit á aðeins 2.400 kr. á mánuði.

* M.v. verð júní 2005

Áskriftarsími
550 5000

Hér & nú DV



ELFA BJÖRG ARADÓTTIR RANNSAKAÐI INNHAL Á BÍÓMYNDUM Á ÍSLANDI Komst að því að hægt er að nálgast langflestar myndir á netinu sem verið er að sýna í kvikmyndahúsum á Íslandi annað hvort á íslenskum eða útlenskum vefsvæðum.

hins vegar komið í ljós að hér er ekki aðeins um ógnun að ræða fyrir tónlistina heldur einnig mikið tækifæri.

BARIST UM RÉTTINDIN

Greina má ákveðin tregðulögmál í viðbrögðum tónlistar- og kvikmyndaiðnaðarins við tæknibreytingum síðustu ára. Um langt skeið hefur dreifing á bíómyndum og tónlist byggst upp á einkaréttindum á afmörkuðum svæðum í heiminum. Hið sama gildir um sjónvarpsefni. Eigendur höfundarréttar í hverju landi hafa mikla hagsmuni af því að viðhalda þessu kerfi og skýrir það að nokkru leyti hversu skammt á veg kvikmyndaiðnaðurinn er kominn með að mæta óskum markaðarins um netaðgang að bíómyndum.

Velgengi iTunes-verslunarinnar í Bandaríkjunum sýnir að hægt er að mjög mikill fjöldi fólks grípur fegins hendi tækifæri til að eignast stafræna tónlist á löglegan hátt. Það er hins vegar enn þannig að miklu er til kostnað til að tryggja að tónlistin á iTunes seljist ekki milli markaðssvæða. Þannig geta íslenskir neytendur ekki keypt lög á iTunes.

Margir telja víst að hið sama gildi um sjónvarpsþætti og bíómyndir og að neytendur myndu gláðir borga fyrir að geta hlaðið löglegum eintökum niður væri þess kostur. Með þessu skapast leið til þess að neytandinn geti keypt það efni sem hann lystir án þess að eiga viðskipti við milliliði. Kvikmyndaiðnaðurinn virðist hins vegar ekki ætla að fara þessa leið. Í staðinn hefur verið unnið að því að semja gríðarlega flókna lausnir sem miða meðal annars að því að tryggja hagsmuni þeirra sem eiga einkarétt til dreifingar efnisins á hinum ýmsu markaðssvæðum.

ERFIÐAST FYRIR VÍDEÓLEIGUR

Ein af niðurstöðum Elfu Bjargar er sú að vídeóleigum standi töluverð ógn af breyttum aðferðum við dreifingu efnis. Hún segir það hafa komið fram í rannsókn sinni að ákveðnar myndir væru þess eðlis að líklegt sé að fólk sækist áfram eftir því að sjá þær í kvikmyndahúsi. Standi fólk hins vegar til boða að sækja myndir á netið í stað þess að fara á vídeóleigu þá er líklegt að það velji fyrri kostinn.

Aðsókn í kvikmyndahús á Íslandi er með því allra mesta sem þekktist í heiminum. Bíóferðum hefur fækkað örlítið á síðustu árum en ekki er ljóst hvort það séu eðlilegar sveiflur eða hvort neyslumynstur hefur verið að breytast. Að sögn Elfu Bjargar er oftast hægt að útskýra

sveiflur í aðsókn að kvikmyndahúsum með því hvort vinsæl íslensk mynd sé í sýningu eða ekki.

Þá telur Elfa Björg ekki víst að markaðurinn fyrir sölu á kvikmyndum á DVD diskum verði fyrir skakkaföllum vegna sjóræningjastarfsemi þar sem flestir kaupir aðeins

mjög eigulegar myndir á DVD. Elfa Björg telur ekki að ólöglegt innhal af netinu dragi úr áhuga fólks á slíkum kaupum.

Kvikmyndir stefna í sömu átt og tónlistin



HELGI PÉTUR JÓHANSSON HJÁ D3 Sér fyrir sér að þróunin verði sú að fólk sækir tónlist og kvikmyndir á netið þegar það vill horfa í stað þess að geyma mikið magn af gögnum á eigin tölvum.

Helgi Pétur Jóhannsson sem starfar hjá D3, sem er hluti af Degi Group, og rekur meðal annars heimasíðuna tonlist.is segir að kvikmyndaiðnaðurinn sé enn töluvert á eftir tónlistinni hvað varðar að veita aðgang að stafrænu efni á netinu.

Dagur Group, sem áður hét Skífan, á rétt á miklum fjölda hugverka, bæði í tónlist og kvikmyndum, og rekur nokkur kvikmyndahús. Helgi Pétur segir að hjá fyrirtækinu sé ekki fylgst sérstaklega með því hversu mikið umfang sé á ólöglegri dreifingu á Íslandi. „Við reynum bara að horfa

fram hjá því en einbeita okkur að því að bjóða upp á góða þjónustu frá okkur,“ segir hann.

Hann segir að fyrirtækið hafi fundið fyrir mjög góðum viðbrögðum við rekstri á vefsvæðinu tonlist.is. „Við erum með góða samninga við útgáfufélögin og við reynum eftir fremsta megni að bjóða upp á sem mest af tónlist og fólk hefur verið mjög jákvætt fyrir þessu. Margir hafa sent okkur póst og sagt að þótt þeir hafi aðgang að ókeypis tónlist þá vilji þeir frekar sækja hana löglega og borga fyrir hana,“ segir hann.

Hann segist telja að notkunin sé að einhverju leyti að breytast. Fólk sækist ekki endilega eftir því að eiga alla þó tónlist sem það hefur áhuga á en í staðinn vilji það hafa aðgang að henni á netinu. Áskriftarþjónusta á borð við tonlist.is býður fólki upp á að hlusta á tónlistina beint á netinu. „Fólk er ekki endilega að hlaða þessu niður heldur er fólk að sækja beint af netinu og spila af netinu í staðinn fyrir að geyma gögnin á diskum hjá sér,“ segir Helgi Pétur.

Að hans sögn er það bara tíma-spursmál hvenær alþjóðleg þjónusta á borð við Napster (sem nú er lögleg) og iTunes komi til Íslands enda sé þegar farið að bjóða upp á þessa þjónustu í nágrannalöndunum.

Hvað varðar bíómyndir segir hann enn langt í land. „Bíómyndir eru enn langt á eftir tónlistinni en stefnir í svipaða átt,“ segir hann og bætir því við að nú bjóði BT Net, sem er netþjónusta í eigu Dags Group, upp á nokkrar bíómyndir sem áskrifendur geti horft á í gegnum netið.

Hann sér fyrir sér að sjónvörp verði nettengd og þannig verði hægt að flytja gögn yfir netið og sama þróun muni eiga sér stað og í tónlistinni. Fólk geti horft á hvaða efni sem því dettur í hug, hvenær sem er.

FÓLK Á FERLI

ROBERT CHARPENTIER hefur verið ráðinn framkvæmdastjóri Kaupthing Bank Sverige AB, dótturfélags Kaupþings banka í Svíþjóð. Charpentier hefur undanfarið gegnt starfi aðstoðarframkvæmdastjóra Swedbank Markets í Svíþjóð en áður starfaði hann um átta ára skeið hjá Goldman Sachs í Lundúnum. Stefnt er að því að Charpentier hefji störf um eða upp úr næstu áramótum og eigi síðar en fyrir aðalfund Kaupþings banka árið 2006. Christer Villard mun í framhaldi af því láta af starfi framkvæmdastjóra en hann mun áfram sitja í stjórn Kaupthing Bank Sverige AB og gegna ráðgjafarstörfum fyrir Kaupþing banka.



STJÓRNENDUR LÍNUHÖNNUNAR Guðmundur Þorbjörnsson, Ríkharður Kristjánsson og Sigurður Ragnarsson.

Nýir stjórnendur

Tveir nýir framkvæmdastjórnar taka við hjá Línuhönnun, verkfræðingarnir Sigurður Ragnarsson og Guðmundur Þorbjörnsson. Sigurður starfaði hjá Línuhönnun 1991-1997 og hjá dótturfyrirtækinu Forverki frá 1997-2001 en hefur gegnt stöðu aðstoðarframkvæmdastjóra Línuhönnunar frá 2001. Guðmundur hóf upphaflega störf á Línuhönnun sem verkfræðingur árið 1983, en eftir MBA-nám gegndi hann ýmsum störfum hjá Eimskipi, frá 1993 til síðustu áramóta, og var meðal annars einn af framkvæmdastjórnarmönnum fyrirtækisins frá árinu 2001.

Sigurður Ragnarsson og Guðmundur Þorbjörnsson munu stjórna fyrirtækinu sameiginlega, en einnig hafa með sér verkaskiptingu þar sem kjarnaverkefni Sigurðar verða byggingar, vegagerð og verkefnastjórnun, en kjarnaverkefni Guðmundar rekstur, orkumál og umhverfismál.

Dr. Ríkharður Kristjánsson verkfræðingur hefur verið framkvæmdastjóri Línuhönnunar undanfarið átta ár. Þann 1. maí lét Ríkharður af störfum sem framkvæmdastjóri en hann starfar áfram hjá Línuhönnun af fullum krafti.

Neyðin kennir naktri konu að spinna

Kristbjörg Kristmundsdóttir, jóga- og hugleiðslukennari með meiru, leggur nú mikið kapp á framleiðslu blómadropa. Þeir eiga að virka á margvíslega kvilla, allt frá gráa fiðringnum til alvarlegri kvilla. Síðustu 20 árin hefur Kristbjörg reynt að beisla orkuna í íslenskum jurtum og koma þeim í dropaform með góðum árangri.

Kristbjörg Kristmundsdóttir segir blómadropa hjálpa til við að koma jafnvægi á líkama og sál. Þeir geti læknað allt frá gráa fiðringnum til alvarlegra kvilla. Kristbjörg hefur verið að búa til íslenska blómadropa síðustu 20 ár og stefnir nú á ótraud erlenda markaði.

Kristbjörg segist hafa byrjað að búa til blómadropa úr íslenskum jurtum vegna þess að ekki mátti flytja inn erlenda blómadropa sem Kristbjörg hafði kynnt. „Neyðin kennir naktri konu að spinna. Ég varð að finna út hvaða íslenskar jurtir ég gat notað í stað þeirra erlendu. Þannig kynntist ég gjöfum náttúrunnar, því er neyðin besti kennarinn.“ Kristbjörg bjó á Vallanesi við Egilsstaði á þessum tíma og segir stórkostlegt hversu vel hún lærði að nýta náttúruna.

ÍSLENSKAR JURTIKRAFTMESTAR

En hvað eru blómadropar og hvernig virka þeir? Kristbjörg segir að í stuttu máli séu þeir orka þar sem hver jurt hafi sína orkutíðni. „Það eru engin virk efni í blómadropum. Það er einungis orka og það er fegurðin í þessu.“

Kristbjörg segir margar ástæður vera fyrir veikindum fólks og kvillar spreitti upp aftur og aftur. Blómadroparnir vinna frekar á rótum vandans. „Sami kvilli er ekki meðhöndlaður á einn hátt vegna þess að margar ástæður geta búið að baki. Fólk er vant því að biðja um lyf gegn veikindum en ég fer aðeins lengra og spyr af hverju þessi veiki hrjái viðkomandi og hvað líkaminn sé að reyna að segja. Blómadroparnir vinna inn á tilfinningahindranir, stress og streitu sem veika varnir líkamans og hann myndar kvilla.“

Kristbjörg segir dropana virka á hluti eins og til dæmis hormónaójafnvægi og því sé hægt að fá blómadropa gegn gráa fiðringnum, sem og öðrum tilfinningum sem fylgja hormónabreytingum. Hún segir auðvitað marga efast en þegar þeir prófi og finni flestir fyrir virkni blómadroparnir mjög vel. Nú selur Kristbjörg blómadropana í heilsuþúðum hér á landi og heita blöndurnar eftir virkni þeirra.

Kristbjörg segir íslenska blómadropa kraftmeiri erlenda dropa vegna hreinnar og harðgerðrar náttúru Íslands. „Ég fæ góðar viðtökur við blómadropunum hvert sem þeir fara. Margir sem hafa verið að vinna með



BLÓMADROPAR KOMA JAFNVÆGI Á LÍKAMANN Kristbjörg Kristmundsdóttir innan um blómin og dropana.

blómadropa í áratugi segja að íslensku jurtirnar séu þær kraftmestu sem þeir hafi komist í kynni við.“

Kristbjörg segir í fyrstu ekki hafa trú að því en svo hafi hún áttað sig á að þessi staðreynd væri rétt. „Sumir erlendir aðilar sem hafa notað blómadropa lengi eru að skipta þeim erlendu út fyrir þá íslensku.“

LÆRÐI AÐ HUGSA STÓRT

Kristbjörg sótti námskeið Brautargengis-kvænna og fékk viðurkenningu fyrir bestu viðskiptahugmyndina nú í vor. „Það er mjög mikilsvert fyrir lítill sprotafyrirtæki að fá góðan stuðning í upphafi og eins var það frábært að fá þessa viðurkenningu sem kom mér skemmtilega á óvart.“ Fyrirtæki hennar, Kristbjörg Elí stækkar hratt og fram undan er fullt af nýjum vörum á markaðinn.

Kristbjörg segist hafa farið kvennaleiðina, safnað peningunum fyrst og framkvæmði svo. Fyrirtækið var upphaflega stofnað í kringum kennslu en nú einbeiti hún sér að framleiðslu á blómadropum. Hún er eini

starfsmaðurinn en ætlar fljótlega að ráða til sína eina manneskju og nemendur hennar eru einnig í sjálfbodaðavinnu hjá henni. Kristbjörg segir það taka brautryðjendur einhver ár að koma fyrirtækinu á þann stað að það fari að borga sig að ráða starfsfólk. „Ég sinni þremur stöðugildum eins og er.“

Kristbjörg Elí ehf. var stofnað þann 21. febrúar 2002 á afmælisdegi systur Kristbjargar sem hún segir vera mikla viðskiptakonu. Fleiri fjölskyldutengsl eru í kringum fyrirtækið því fyrirtækið heitir í höfuðið á föður hennar, Kristmundi Elí.

Kristbjörg hefur safnað 20 ára þekkingu og stefnir nú út í heim. Hún er spennit að sjá hversu langt hún komist með fyrirtækið en hún segist hafa lært á Brautargengisnámskeiðinu að hugsa stórt og marka leiðina þangað. „Ég er komin í samband við rísa-stórt fyrirtæki í Bandaríkjunum en hvað kemur út úr því veit ég ekki. Það tekur marga mánuði að vinna svona hluti og búið bæði í Evrópu og Bandaríkjunum hafa sýnt áhuga.“

Orka íslenskrar náttúru hefur verið beisl-uð af Kristbjörgu og verður hún eflaust góð söluvara erlendis.

Kristbjörg Elí:

Stofnað: 21. febrúar 2002
Einn starfsmaður



BESTA RÁÐIÐ

„Lífið er eins og strætóferð“

Erna Bryndís Halldórsdóttir, forstjóri stjórnunarþjónustunnar Hyrnu, segist hafa fengið nokkur ráð um ævina. Það besta hafi þó komið frá Ingibjörgu Elsu vinkonu hennar: „Hún sagði mér einhverju sinni að lífið væri eins og strætóferð þar sem fólk kemur og fer. Rétt eins og það á að taka vel á móti nýjum farþegum verður að leyfa öðrum að fara.“

Erna Bryndís segir þetta ráð hafa nýst sér vel og að ástæðulaust sé að halda í kunningsskap ef tilfinningar eða áhugamál eru ekki gagnkvæm: „Stundum verður maður að leyfa fólki að fara og stundum lætur maður það fara.“

Ráðið eigi við vinnu, fjölskyldu og vini og alls staðar þar sem mannleg samkipti koma við sögu, jafnvel ástarmál: „Mér finnst Íslendingar oft á tíðum hugsa í kössum, ef svo má segja, og að fólki sé skylt að dvelja í þessum kössum allt sitt



ERNA BRYNDÍS HALLDÓRSDÓTTIR Segir Íslendinga hugsa í kössum.

líf. En þannig á það alls ekki að vera.“

Neytendur athugið!

Stórkostlegur verðmunur á byggingavörum

	MÚRBÚÐIN	Byko	Mismunur á hæsta og lægsta verði
Málningavörur			
Útimálning 10 lítrar	2.990 kr. Alfacryl	4.390 kr. Byko úti/inni	47%
Innimálning 7% 10 lítrar	2.690 kr. Dekacryl7	Ekki til	
Pakmálning 10 lítrar	5.260 kr. Deka Tex	12.203 kr. Pol	132%
Sílan (vatnsfæla) pr. líter	492 kr. Deka sílan	1.195 kr. Vatnsvari 40	143%
Epoxy gólmálning pr. líter	896 kr. Deka Topp	2.179 kr. Málning	143%
Samskeytaspartl 28 kg	1.390 kr. Deka Rock	2.300 kr. Sheetrock	65%
Medium sandspartl 10 lítrar	1.794 kr. Dalapro	2.998 kr. Nordsjö	67%
Spartlspaði 45 cm	751 kr. Spekter	1.481 kr. Spekter	97%
Bakki og rúlla	649 kr. Spekter	814 kr. Fia	25%
Ofnapensill 50 mm	274 kr. Mako	299 kr. Mako	9%
Múrefni / Flísavörur / Áhöld			
Flotefni 25 kg	1.519 kr. ABS 147	1.558 kr. "Flotgölf"	3%
Glersteinamúr 20 kg	1.560 kr. Optiroc	2.690 kr. Optiroc	72%
Flex flísalím grátt 25 kg	1.595 kr. Deka Flex	1.990 kr. Schomurg	25%
Múrblanda 5 kg	399 kr. Deka	826 kr. Sika mörtel	107%
Múrfata 12 lítra	294 kr. Jopa	513 kr. Jopa	74%
Flísalímglattari 6x6 mm	198 kr. Ranatools	803 kr. Lux	306%
Flísaög 500 w	5.490 kr. Einhell	8.990 kr. Hanseatic	64%
Hræripinni fyrir 20 kg	995 kr. Mako	1.645 kr. Mako	65%
Demantsbolli 5" tvöfaldur	6.990 kr. Dimo	11.516 kr.	65%
Granít skurðarblað 300 mm	10.147 kr. Dimo	29.286 kr.	189%
Steypuhræivél	34.900 kr. Betomix 134 l	67.640 kr. Atika 165 l	94%
Steypuskafa	1.279 kr. Marshalltown	3.776 kr. Kraft	195%
Ýmsar byggingavörur			
Rakavarnarplast 0,2 mm	kr. 59 /m ²	kr. 102 /m ²	73%
Byggingaplast 0,15 mm	kr. 25 /m ²	kr. 69 /m ²	176%
Festifrauð 750 ml	495 kr. Deka	899 kr. Sika	82%
Límkitti 300 ml	539 kr. Danalim	873 kr. Sika	62%
Verfærakista 22"	1.990 kr. Keter Hammer	1.990 kr.	0%
Álréttskleið 2,5 m m/dropa	4.133 kr.	7.764 kr.	88%
Málband 5 m	249 kr. Ranatools	990 kr. Lux	298%
Háprýstidæla 100 bör	5.900 kr. Einhell	9.900 kr. Bosch Aquat	68%

Innkaupakarfan*
sýnir verðmuninn

kr. 93.252,-

í Múrbúðinni

kr. 181.679,-


í Byko



Táknar lægsta verð

Byggt á verðkönnun sem gerð var af starfsmönnum Múrbúðarinnar 3. og 4. júní 2005. Leitast var við að velja vörur af sambærilegri gerð. Miðað var við merkt hilluverð.

*Innkaupakarfan er samsett úr öllum vörum á listanum í samanburðartöflunni, nema innimálningu 7% 10 lítra, sem ekki fékkst í Byko. Notast var við reiknað eingaverð þar sem um mismunandi pakkningastærðir var að ræða.



Opið mán. - fös. 8-18
laugardaga 9-17

Lægra verð á byggingavörum
fyrir ALLA - ALLTAF!



MÚRBÚÐIN
Byggingavöruverslunin í Árbænum

Klethálsi 7 · Sími: 544-5470 · sala@murbudin.is · www.murbudin.is

Mismunandi sýn á olíuverð

Verð á hráolíu hefur náð sögulegu hámarki að undanfögnu. Verð á olíu hefur hækkað um liðlega 40 prósent á árinu og verðið stefnir hraðbyri í 60 dollara tunnan af Brent-hráolíu. Greining Íslandsbanka fjallaði um olíuverðið í Morgunkorni sínu í gær: „Ástæðan er sögð takmarkað framboð á unnum olíuvörum, s.s. dísilolíu og olíu til húshitunar á sama tíma og að spurn eftir þeim hefur aukist. Framvirkir samningar á markaði benda til þess að markaðsaðilar álíti að olíu-

ÞJÓÐARBÚSKAPURINN

verð haldist hátt a.m.k. næstu mánuði. Lengri skuldabréf erlendis lækkuðu lítillega í verði en erlend hlutabréf hafa ekki orðið fyrir miklum áhrifum enda virðist sú neikvæða fylgni sem var á milli olíuverðs og hlutabréfaverðs á síðasta ári vera rofin. Hækkun olíu hefur haft lítil áhrif á innlendum verðbréfamarkaði en ljóst er að hún eykur kostnað fyrirtækja og verðbólguþrýsting. Seðlabankinn ætti þó að horfa fram-

hjá verðbólgu sem hlýst af hækkun olíuverðs þar sem hún er utan áhrifasviðs bankans. Slík verðbólga leiðir þó til aukinnar spurnar eftir verðtryggðum bréfum með tilheyrandi þrýstingi til lækkunar ávöxtunarkröfu þeirra.

Arabarákin velta fyrir sér framleiðsluaukningu um þessar mundir en Sádi-Arabar segjast ekki finna kaupendur að meiri hráolíu enda séu birgðir nú nálægt sex ára hámarki. Birgðir af unnum olíuvörum eru hins vegar sögulega lágur á

sama tíma og spurn eftir þeim hefur aukist um 6,5% á milli ára þrátt fyrir verðhækkun. Þetta er helsta orsök hækkunarinnar að undanfögnu.

Tvö helstu fyrirtækin á sviði afleiðuvíðskipta á olíu hafa mjög mismunandi sýn á framtíðina. Í mars gaf Goldman Sachs út skýrslu þar sem því var spáð að olíuverð næði vel yfir 100 dollara í náinni fram-

tíð. Í lok síðustu viku kom síðan skýrsla frá Morgan Stanley þar sem því er spáð að verð á olíu geti lækkað skarpt þegar hægir á hagvexti í heiminum. Það er aðallega eftirspurn frá Kína sem talin er hafa úrslitaáhrif á það hvernig olíuverð þróast en Kínverjar voru með þriðjung af eftirspurnaraukningu síðasta árs,“ segir í Morgunkorni Íslandsbanka í gær.

Birgðir af unnum olíuvörum eru hins vegar sögulega lágur á sama tíma og spurn eftir þeim hefur aukist um 6,5% á milli ára þrátt fyrir verðhækkun. Þetta er helsta orsök hækkunarinnar að undanfögnu.

SPÁKAUPMAÐURINN

Olía á eld

Almennt séð á maður að láta fjárfestingar sínar stjórna af því hvað maður telur líklegast að hækki út frá núverandi stöðu. Hitt er svo annað að einn drifkraftur hækkana á markaði og ein af orsökunum fyrir verðbólgu er sú einfalda staðreynd að maður getur ekki á sér heilum tekið ef nágranninn myndi slystast til að verða ríkari en maður sjálfur.

Mínir grannar eiga reyndar talsvert í land með að ná mér og þótt ekki beri mikið á milli í lífsstílunum er munurinn sá að ég á bílana mína og húsið. Þannig vita þeir ekki hvað ég á og halda að líf mitt sé á lánnum eins og flestra hinna.

Þótt ég sé alla jafna afar jarðbundinn í fjárfestingum og hafi alltaf skoðað vel fyrirtæki sem ég fjárfesti í, auk þess að lesa í hvers sé að vænta á næstunni, hef ég fjárfest í fyrirtækjum vegna þess að kunningjar hafa keypt í þeim. Ég eins og fleiri keypti í Decode á sínum tíma vegna þess að nágrannar mínir og vinir höfðu keypt í fyrirtækinu. Ég komst reyndar inn á hagstæðara gengi en þeir í gegnum FBA enda ekki til neins að vera alvöru fjárfestir ef maður nýtur ekki stöku sinnum betri kjara en næsti maður. Ég hef hins vegar grætt alveg jafn lítið og allir aðrir á þeirri fjárfestingu.

Ég skildi hvorki haus né sporð á því hvernig þetta fyrirtæki ætlaði að græða alla þá milljarða sem gengið á gráamarkaðnum gaf til kynna, en ég gat bara ekki hugsað mér að sitja eftir ef draumar grannanna og vinanna skyldu nú rætast.

Ég lærði nokkuð af reynslunni og myndi ekki setja jafn mikla peninga í þetta í núna. Vandinn sem ég stend frammi fyrir núna er sá að ég

á frænda í Færeyjum. Hann er daldið drjúgur með sig og vanur að gera mikið úr því þegar vel gengur. Ég þoli



hann ekkert sérstaklega vel, en get alveg umborið hann meðan ég veit í hjarta mínu að ég nýt miklu meiri velgengni en hann. Hann hefur fjárfest smá í færæyska olíuleitarfélaginu sem var nýlega skráð í Kauphöllina. Ég veit ekkert hverjar líkurnar eru á því að þeir finni olíu við Færeyjar og veit að fyrirtækið er áhættusamt. Ég gæti bara ekki lifað við það ef Rógvan frændi yrði ríkur á því að þeir fyndu olíu, en ég ekki. Það yrði eins og olía á eld afbrýðsemi.

Spákaupmaðurinn á horninu

60% MARKAÐSHLUTDEILD Á ÍSLANDI ÁRIÐ 2004

MANITOU skotbómulyftarar - Parfur þjónn, sem uppfyllir ströngustu gæði og væntingar þeirra kröfuhörðustu.

HANN ER GRIMMUR!

MANITOU MLT 634 TURBO INTERCOOLER

SKOTBÓMULYFTARI

Fjór hjóladrifinn

Fjór hjólastyrður

Lyftigeta: 3.400 KG

Lyftihæð: 6.050 MM

Gafflar: 1.200 MM

Vél: Perkins Turbo intercooler, 123 HÖ

LOAD SENSING!! Samtímis glussahreyfingar án aukins snúningshraða vélar.



- VIÐURKENND VARAHLUTAPJÓNUSTA í 44 ár
- Útvegum notaða skotbómulyftara
- Úrval notaðra lyftara á lager



PON PÉTUR O. NIKULÁSSON ehf.

Melabraut 23 • 220 Hafnarfjörður
Símar 552 2650 & 552 0110 • FAX: 552 1588 • e-mail: pon@pon.is

AURASÁLIN

Stjórn málin eru vannýtt auðlind

Aurasálin hitti gamlan félagarinn sinn í brúðkaupi síðasta fimmtudag (já - auðvitað var Aurasálinni boðið í brúðkaup aldarinnar). Þessi gamli félagi starfar nú sem ráðgjafi á alþjóðasviði fyrirtækjaráðgjafar í stórum íslenskum banka. Sérsvið hans er samþætting menningarlegra núningsflata í viðskiptaumhverfinu auk þess sem hann er sérfróður um Feng Shui.

Þessi félagi Aurasálarinnar vinnur semsagt sem túlkur og sér um að raða húsgögnum. En hann græðir vel á þessu og það mátti nú minna sjá í brúðkaupinu. Hann mætti ekki í hefðbundnum jakkafötum heldur í einhvers konar hörspennitreyju sem mun hafa kostað í kringum fimmtíu þúsund krónur. „Þetta fæst ekki á Íslandi,“ upplýsti vinur Aurasálarinnar stoltur en sagði að hann myndi henda spennitreyjunni um leið og hann sæi einhvern annan Íslending í þannig fötum. Þessi vinur Aurasálarinnar býr í Sæviðarsundi, þannig að hann þarf svo sem ekki að fara langt.

En Aurasálin hefur ekki áhuga á að vinna í banka. Hún telur að það séu til auðveldari leiðir til að græða peninga og á síðustu mánuðum hefur runnið upp fyrir henni ljós. Leiðin er augljós.

Það tilkynnist því hér með, á þessum vettvangi, í fyrsta sinn að í upphafi þessarar viku gekk Aurasálin sem leið lá í höfuðstöðvar Frjálslynda flokksins og skræði sig úr flokknum. Því næst heimsótti Aurasálin höfuðstöðvar Framsóknarflokksins og sótti um inngöngu. Í gær fékk Aurasálin svo bréf frá forsætisráðherra þjóðarinnar þar sem hún var boðin velkomin í flokkinn.

Um leið og bréfið var komið hringdi Aurasálin í Skinney - Þinganes og spurði hvað hún myndi eignast mikið í félaginu. Aurasálin er nú ekki frá því að það hafi komið fát á símastúlkuna en hún fann ekki Aurasálinna á hluthafalistanum, en reyndar hefur þessi hluthafalisti verið eitthvað illa uppfærður upp á síðkastið þannig að þetta hefur ekki verið komið inn.

Aurasálin bindur miklar vonir við inngöngu sína í Framsóknarflokkinn. Nú þarf bara að velja starfsvettvang innan flokksins. Best list Aurasálinni á starf forstjóra Fjármálaeftirlitsins sem er að losna. Aurasálin kann þá list að vera hörd þegar það á við en sjá í gegnum fingur sér með smávægileg mál sem snerta mikilvæga hagsmuni Framsóknarflokksins. Þessi gaur sem er að hætta núna hefur verið alltof hlutlaus í pólitíkinni að mati Aurasálarinnar. Fjármálaeftirlitið er algjörlega vannýtt auðlind bæði fyrir Aurasálinna og Framsóknarflokkinn.

Framleiðir allt úr plasti

Líklegt er að hver Íslendingur handleiki vörur Plastprents á degi hverjum. Skiptir þá engu hvort við erum að handleika innkaupapoka, pylsusinnep eða ná í föt í fatahreinsun. Sigurður B. Guðmundsson, framkvæmdastjóri Plastprents, segir Björgvin Guðmundssyni frá rekstri fyrirtækisins.

„Þegar ég var þrettán ára gamall ákvað ég að fermast ekki, enda alltaf verið trúlaus og séð ofsjónum yfir þeim mörg þúsund milljónum sem við setjum í rekstur þjóðkirkjunnar á hverju ári. Pabbi kemur til mín að fyrra bragði áður en ég þori að tjá honum ákvörðun mína og spyr hvort ég vilji ekki fermast með bróður mínum, Gunnari Karli Guðmundssyni, ári síðar. Eins og gerist og gengur hjá unglingum er ég tilbúinn til þess en spyr hvað ég fái í staðinn. Úr verður að ég fæ mótorhjól sem var framléitt í Riga í Lettlandi. Ég fór strax á landakortið og fylgdist síðan alla tíð með Riga. Þegar Plastprent hugði að fjárfestingum í löndum sem tilheyrðu áður Austurblokkinni kom ekkert annað til greina en Riga. Þetta var mjög óvísindaleg ákvörðun,“ segir Sigurður B. Guðmundsson, framkvæmdastjóri Plastprents, þegar hann útskýrir hvernig það kom til að fyrirtækið hóf framleiðslu í Lettlandi árið 2003.

Við sitjum að snæðingi á Þremur Frökkum hjá Úlfari Eysteinessyni matreiðslumeistara. „Ég fæ mikið af útlandingum í heimsókn hingað til lands.

Ef ég vil virkilega heilla þá fer ég með þá hingað. Ég er búinn að fara með þá marga hingað og reyndar á aðra góða veitingastaði á Íslandi. Þegar þeir koma aftur er þessi staður þeirra fyrsta val,“ segir Sigurður.

RALLKAPPI Í YFIR 20 ÁR

Hann er óvenjulegur forstjóri að því leyti að hann hefur keppt í rallakstri í yfir tuttugu ár, sem hann segir kannski ekkert svo skrítið fyrir mann í hans stöðu. Það þekkist víða erlendis að yfirmenn fyrirtækja og eigendur dreifi huganum við hraðakstur. Þótt örlogin hafi leikið hann grátt í bílabransanum undanfarnin ár stefnir hann á sigur í mótaröðinni í sumar með aðstoðarökumanni sínum, Ísak Guðjónssyni, sem Sigurður segir sína stoð og stytta í þessu umstangi. Hafa þeir í sameiningu verið meðal fremstu ökuþóra á Íslandi í mörg ár.

„Rallið heldur mér ungum,“ útskýrir Sigurður, sem er 47 ára gamall og var að eignast sitt þriðja barn í janúar með konu sinni. Þetta gefi honum gríðarlega mikið og miklu meira en að fljúga, en hann er einnig með einkaflugmannspróf. „Maður verður ekki gamall á því að gera það sem gamla fólkíð gerir. Maður verður gamall þegar maður hættir að gera það sem unga fólkíð gerir.“

Sigurður nýtir líka reynslu sína úr rallinu í daglegu lífi. „Þú lærir að taka ákvarðanir undir gífurlegri pressu. Þú lærir að sýna ærðuleysi. Þú lærir eitt sem er mjög mikilvægt; þér hefnist fyrir ef þú klúðrar beygju og þá verður þú að gleyma því strax því annars klúðrar þú næstu beygju. Þessa speki er hægt að yfirfæra á lífið almennt.“

Það má kannski segja að Sigurður hafi

„Hjá okkur starfa nú um fimm hundruð manns í þremur löndum og við veltum um 2,5 milljörðum króna á þessu ári.“



SIGURÐUR BRAGI GUÐMUNDSSON, FRAMKVÆMDASTJÓRI PLASTPRENTS Sigurður segir að hann hafi lært eitt mjög mikilvægt í rallinu. „Þér hefnist fyrir ef þú klúðrar beygju og þá verður þú að gleyma því strax því annars klúðrar þú næstu beygju. Þessa speki er hægt að yfirfæra á lífið almennt.“

ekki klúðrað mörgum beygjum eftir að hann kom heim úr verkfræðinámi árið 1984. Í það minnsta hefur hann lært af mistökunum, ef einhver eru. Strax eftir nám réð hann sig sem framleiðslustjóra í Plastprenti. Árið 1988 tók hann við stöðu framkvæmdastjóra Sigurplasts hf. Rúmum tíu árum síðar var hann beðinn að koma aftur til Plastprents og þá sem framkvæmdastjóri. Gegndi hann stöðu framkvæmdastjóra í báðum þessum fyrirtækjum þangað til þau voru sameinuð.

VAXANDI FYRIRTÆKI

Sigurður segir Plastprent hafa vaxið mikið síðustu ár. Árið 1996 var félagið skráð sem almenningshlutafélag á Verðbréfaþingi, eins og það hét þá. Það var síðan tekið af markaði árið 2003 og hefur eignarhald nokkuð þjappast saman síðan. Sigurður segir aðspurður að félög tengd Pálma Haraldssyni í Feng eigi nú um helmingshlut í fyrirtækinu. Einnig eigi prentsmiðjan Oddi milli 18 og 20 prósent en sjálfur á hann um tíu prósent. Hann segir Pálma hafa tengst félaginu í langan tíma.

Þegar Sigurður kemur til starfa aftur hjá Plastprenti er veltan um milljarður króna og um 150 manns starfa hjá fyrirtækinu. Helstu samkeppnisaðilarnir á þeim tíma voru tveir; Ako-Plastos á Akureyri og Reykjalundur í Mosfellsbæ. Í lok árs 2000 kaupir Plastprent Ako-Plastos og 2002 Reykjalundur. Ári síðar hefst útrásin til Riga í Lettlandi þar sem framleiðslufyrirtækið Unifleks er keypt, sem var í sambærilegum rekstri og Plastprent. Í nóvember á síðasta ári bætist svo annað fyrirtæki, Gerove í Litháen, í Plastprentsfjölskylduna.

„Hjá okkur starfa nú um fimm hundruð

manns í þremur löndum og við veltum um 2,5 milljörðum króna á þessu ári. Þetta eru gífurlegar breytingar og auðvitað taka þær í,“ segir Sigurður. Plastprent hafi staðið uppi með mikið af aukavélum eftir ýmsar sameiningar árin á undan, sem voru vannýttar. Plastprent hafi keypt fyrirtækin ytra með skuldsettri yfirtöku og látið þau kaupa vélarnar frá Íslandi. „Á meðan það gengur að láta fyrirtækin borga upp lánið getum við ekki kvartað. Þessi rekstur þolir samt ekki mikið tap.“

Sjálfur er hann mikið á ferðinni á milli landanna en sér fyrir sér mögulegar breytingar á því. Hann sé stjórnarformaður fyrirtækjanna ytra ásamt því að vera framkvæmdastjóri móðurfélagsins heima á Íslandi. Þegar hann dvelji lengi ytra þurfi hann að reiða sig á gott fólk heima. Þetta sé mikið starf sem ef til vill þurfi að skipta upp þó ekkert hafi verið ákveðið í þeim efnum.

SAMKEPPNIN VIRK

Hann þverneitar því aðspurður að Plastprent hafi yfirburðastöðu á íslenskum markaði. Þótt fyrirtækið sé stórt og meðal fimm prósent þeirra fullkommustu á sínu sviði í heiminum séu aðgangstakmarkanir að markaðnum og innflutningshindranir hingað til lands engar. Það starfi því undir aga markaðarins. Plastprent sé vissulega með stóra markaðshlutdeild en ávallt séu smærri aðilar með ákveðið framboð af vörum.

Sigurður er í stjórn Samtaka iðnaðarins og eins og fleiri í þeim samtökum er hann afar óhress með það hvernig efnahagsmálum er stjórnað, sérstaklega í ljósi þróunar á gengi krónunnar. Vegna framkvæmda við stóriðju á landinu hækki gengi krónunnar og fjölmörg störf í iðnaði, jafnvel heilu fyrirtækin, flytjast til útlanda. Þau þoli ekki þetta ástand til langs tíma. Hann biður menn að spyrja sig hvort það sé þess virði að skapa þessi störf í álveri ef fleiri störf flytjast út.

HÁDEGISVERÐURINN

Með Sigurður B. Guðmundssyni framkvæmdastjóra Plastprents

Hádegisverður fyrir tvo á Þremur Frökkum

Súpa dagsins

Grillsteiktur steinbitur á rjómapiparsósu

Heilsteikt rauðsprettuflök með rækjum „Gratin“

Drykkir:

Vatn, kaffi

Verð: kr. 3.740



Humarhúsið

Humarhúsið • Amtmannstíg 1 • 101 Reykjavík • Sími: 561 3303 • humarhusid.is



Wolfowitz hrósar leiðtogum

Yfirmaður Alþjóðabankans er enn á ferð um Afríku og hefur fengið hlýjar móttökur.

Paul Wolfowitz, yfirmaður Alþjóðabankans, hefur hrósað nýrri kynslóð afrískra leiðtoga og segir þá hafa náð miklum árangri í baráttunni gegn spillingu.

Wolfowitz hrósaði sérstaklega Thabo Mbeki, forseta Suður-Afríku, en hann rak á dögumum ráðgjafa sinn til margra ára eftir að sá var sakaður um spillt vinnubrögð.

Wolfowitz, sem staddur er í Afríku, viðurkenndi jafnframt að rót margra þeirra vandamála sem Afríka hefur þurft að glíma



WOLFOWITZ Á MARKAÐNUM Hér sést yfirmaður Alþjóðabankans kaupa mangóávöxt af sölu konu. Wolfowitz hefur heillað marga með framkomu sinni í Afríku.

við sé að finna á Vesturlöndum: „Vesturlönd ættu að læra af þeim mistökum sem gerð hafa verið og forðast endurtekningu þeirra,“ sagði hann og bætti við: „Þetta snýst ekki bara um styrki og þróunarhjálp. Verkefni okkar er að minnka styrki til landbúnaðarmála, fella

niður viðskiptahindranir og berjast gegn spillingu“.

Wolfowitz hefur undanfarið ferðast um Afríku og hefur hvarvetna verið vel tekið. Þykir heimsóknin hafa gengið framram vonum. -jsk

Gates til Víetnam

Forsætisráðherra Víetnam heimsótti á dögumum höfuðstöðvar Microsoft.

Forsætisráðherra Víetnam, Phan Van Khai, gekk á dögumum á fund Bills Gates, stjórnarformanns bandaríska tölvurísans Microsoft. Var fundurinn liður í fyrstu opinberu heimsókn víetnamsks leiðtoga til Bandaríkjanna síðan Víetnamstríðinu lauk fyrir þrjátíu árum.

Forsætisráðherrann hitti Gates í höfuðstöðvum Microsoft í Redmond í Washington-ríki og var leiddur í allan sannleika um starfsemi af Gates sjálfum. Við lok heimsóknarinnar var tilkynnt um samkomulag milli Víetnam og Microsoft. Felur það í sér að Microsoft muni hjálpa til við tölvukennslu í Víetnam og taka þátt í að mennta um 50 þúsund kennara.

Khai gat ekki leynt gleði sinni er samningar lágu fyrir og sagði með hjálp túlks: „Þakka þér kærlega fyrir, herra Gates. Með þinni hjálp mun land mitt ná áður óþekktum hæðum í tölvu- og tæknimálum“.

Að fundi loknum bauð Khai forsætisráðherra Gates að heim-sækja Víetnam, en Microsoft rekur tvö útibú í landinu. -jsk



ABDUL KALAM, FORSETI INDLANDS Það er engin furða að dr. Abdul Kalam brosi breitt, enda er indverska hagkerfið í örur vexti.

Indverjar í góðum málum

Indverska hagkerfið mun næsta árið vaxa um sjö prósent, segir í skýrslu Samtaka indverskra iðnrekenda. Mikill vöxtur hefur verið í iðnaðar- og þjónustugeirum í landinu, auk þess sem útflutningur hefur aukist og útlitid í landbúnaðarmálum er bjart.

Aðeins kínverska hagkerfið vex hraðar en það indverska.

Í skýrslunni segir að vöxtur yrði meiri ef ekki væri fyrir hátt heimsmarkaðsverð olíu og háa vexti í Bandaríkjunum. -sk



PHAN VAN KHAI OG BILL GATES Forsætisráðherra Víetnam og stjórnarformanni Microsoft er greinilega vel til vana.



BERNIE ECCLESTONE GENGUR Á FUND FRÉTTAMANNA EFTIR INDIANAPOLIS-KAPPAKSTURINN Ecclestone er sagður harðstjóri og sakaður um að einoka tekjur af Formúlunni. Níu af tíu liðum hóta að hætta þátttöku og stofna eigin keppni.

Formúlan logar

Allt logar í illdeilum innan Formúlu 1 kappakstursins. Liðin segja tekjum misskipt og Ferrari fái sérmeðferð. Nú er svo komið að níu liðanna af tíu hafa hótað að segja sig úr Formúlunni og setja á laggirnar eigin keppni.

Allt er í háalofti í Formúla 1 kappakstrinum. Smærri lið segja tekjum misskipt og Ferrari-liðið fái sérmeðferð. Núna síðast hófu aðeins sex bílar af tuttugu Indianapolis-kappaksturinn eftir deilu um dekk.

Dekkjaframleiðandinn Michelin sagði dekk sín ekki hæfa brautinni í Indianapolis og að öryggi öllum væri stefnt í hættu. Skipuleggjendur neituðu hins vegar að lagfæra brautina og drógu þá þau lið sem nota Michelin sig úr keppni, alls sjö af tíu liðum.

Þetta er ekki í fyrsta skipti

sem ímynd Formúlunnar bíður skaða og má með sanni segja að allt logi í illdeilum. Skiptast fylkingar í tvo hópa. Annars vegar hóp forseta akstursambandsins, Max Mosley. Með honum í liði eru Bernie Ecclestone, sem oft er nefndur valdamesti maður innan Formúlunnar, auk Ferrari sem er stærsta liðið.

Gegn þessum valdamikla hópi standa svo hin liðin níu, meðal annars BMW og Mercedes, og nú er svo komið að þau hafa hótað að segja sig úr Formúlunni og stofna eigin keppni.

Liðin níu ásaka Ecclestone og

félaga um að einoka tekjur af Formúlunni en á síðasta ári námu auglýsingatekjur Formúlunnar um 50 milljörðum króna. Af því fá liðin níu einungis 23 prósent. Sagt er að Ecclestone hafi persónulega grætt 200 milljarða á afskiptum sínum af Formúlunni, en hann hefur stýrt keppninni í tæp þrjátíu ár.

Eigandi Minardi-liðsins, Paul Stoddart, var ekki í neinum vafa um hverjir bæru ábyrgð á ástandinu: „Ecclestone og Mosley eru harðstjórar og ættu að hætta afskiptum af Formúlu 1.“ -jsk

Forstjóri Fjármálaeftirlitsins

Starf forstjóra Fjármálaeftirlitsins er laust til umsóknar.

Hæfniskröfur:

Samkvæmt ákvæðum laga um opinbert eftirlit með fjármálastarfsemi skal forstjóri hafa menntun á háskólastigi og búa yfir víðtækri þekkingu og starfsreynslu á fjármagnsmarkaði.

Umsóknir óskast fylltar út á www.hagvangur.is. Númer starfs er 4608.

Umsóknir má einnig senda til Ara Eyberg hjá Hagvangi, Skógarhlíð 12, 105 Reykjavík.

Forstjóri FME er ráðinn af stjórn stofnunarinnar.

Umsóknarfrestur er til 4. júlí nk.

Upplýsingar um starfið veita Ari Eyberg hjá Hagvangi, netfang: ari@hagvangur.is og Stefán Svavarsson, formaður stjórnar FME, netfang: stefansv@ru.is

FJÁRMÁLA EFTIRLITID

Fjármálaeftirlitið (FME) er sjálfstæð ríkisstofnun með sérstaka stjórn. Hlutverk FME er að fylgjast með því að starfsemi eftirlitsskyldra aðila sé í samræmi við lög og reglur, og að öðru leyti í samræmi við eðlilega og heilbrigða viðskiptahætti. Nánari upplýsingar um stofnunina má nálgast á www.fme.is



Skógarhlíð 12 • 105 Reykjavík
Sími 520 4700 • Fax 520 4701
www.hagvangur.is



FAGNAÐ MEÐ STARFSMÖNNUM ATHYGLI Árni Þórður Jónsson, ráðgjafi hjá Athygli, Anna Guðný Aradóttir, markaðsstjóri Samskipa, Hulda Kristín Magnúsdóttir, aðstoðarmaður stjórnarformanns Samskipa, Guðmundur Hjaltason, forstjóri Kers hf. og Kristján G. Hauksson, forstjóri Heklu hf.

Frettablaði/Stiefni

Athygli í nýtt húsnæði

Sérhæfa sig í að skapa fyrirtækjum jákvæða ímynd og koma henni á framfæri.

Athygli ehf. hefur flutt starfsemi sína í nýinnréttað húsnæði að Síðumúla 1 í Reykjavík en þar starfa tíu manns að ráðgjöf í almannatengslum og útgáfu. Að auki er fyrirtækið með starfsstöð að Hafnarstræti 82 á Akureyri en þar eru tveir starfsmenn.

Að sögn Valþórs Hlökkverssonar, framkvæmdastjóra Athygli, var fyrirtækið stofnað vorið 1989 og hélt því upp á 16 ára starfsafmæli fyrir skömmu. „Við störfum fyrst og fremst á fyrirtækjamaarkaði en meðal viðskiptavina okkar eru mörg af stærstu fyrirtækjum landsins. Þá starfa ráðgjafar Athygli einnig í þágu ríkisstofnana og ráðuneyta, sveitarfélaga og félagsamtaka. Sérvið okkar er að skapa viðskiptavinunum jákvæða ímynd og koma henni á framfæri með ýmsum hætti, meðal annars í fjölmiðlum. Við teljum að með öflugum starfi í almannatengslum megi tryggja fyrirtækjum og samtökum stað í huga almennings og sterka stöðu í viðskipta- og athafnalífi.“ -dh



STINGA SAMAN NEFJUM Katrín Júlíusdóttir alþingismaður og Gunnar E. Kvaran, ráðgjafi hjá Athygli.

GLAÐIR MEÐ NÝTT HÚSNÆÐI Gunnar E. Kvaran, ráðgjafi hjá Athygli og Helgi Már Arthursson, upplýsingafulltrúi í heilbrigðis- og tryggingamálaráðuneytinu.

Tíu milljónir í tónlist

Úthlutað var úr Minningarsjóði Margrétar Björgólfsdóttur.

Í síðustu viku var 61 milljón króna úthlutað úr Minningarsjóði Margrétar Björgólfsdóttur. Björgólfur Guðmundsson, stjórnarformaður Landsbankans og formaður sjóðstjórnar, afhenti styrkina til 178 verkefna. Alls bárust 540 umsóknir.

Styrkirnir skiptust þannig: 39 aðilar, sem tengjast verkefnum sem flokkast undir menningu, leiklist og sjónlist, fengu tæpar tuttugu milljónir. 29 aðilar í tónlist fengu samtals tæpar tíu milljónir. Tæpum þrettán milljónum var varið til heilbrigðismála, forvarna og mannræktar, um sex milljónum króna til íþróttar og menntamála og 13,5 milljónir fóru í námsstyrki til 63 einstaklinga.

Í fréttatilkynningu segir að markmiðið með Minningarsjóði Margrétar Björgólfsdóttur sé að auka almannaheill og bæta mannlíf á Íslandi með öflugra menningar-, lista- og íþróttalífi. Samkvæmt stofnskrá sé úthlutað úr sjóðnum tvisvar á ári. Næst verði auglýst eftir umsóknum í október á þessu ári.



ÞÓRA HALLGRÍMSSON OG BJÖRGÓLFUR GUBMUNDSSON Foreldrar Margrétar Björgólfsdóttur heitinnar.



ÁNÆGÐIR MEÐ STARTIÐ Derek Lovelock, forstjóri Mosaic Fashion og Þórður Friðjónsson, forstjóri Kauphallar Íslands voru ánægðir með hvernig viðskipti með Mosaic fóru af stað í Kauphöllinni í gærmorgun á fyrsta viðskiptadegi. Utboð félagsins heppnaðist vel og umframfærirspurn var töluverð. Einhverjir vildu bæta við eign sína í félaginu við upphaf viðskipta. Bréfin hækkuðu og fjörug viðskipti hófust með nýjasta félagið í Kauphöllinni.

Kynningarverð til áramóta

12.999 kr.

Umboðsaðili:

Rafport

Nýbýlavegi 14, Kópavogi. Sími 554 4443. Fax 554 4102.
rafport@rafport.is www.rafport.is

Umboðsmenn um land allt



Fljótvirkasti miðaprentarinn

- Miðar á bréf, pakka, bréfabindi o.fl.
- Á CD/DVD diska, miðar úr plasti
- Prentar miða úr Word-, Excel- og Outlook
- Prentar merkiborða bæði á pappír og plast, stæðir eftir vali, allt að eins meters langa
- Allt að 62mm breidd
- 50 miðar á mínútu*
- USB tenging
- Windows hugbúnaður
- Sjálfvirk klipping
- Heilar lengjur eða staðlaðar

*Staðlaðir pósthugbúnaðir

At your side. **brother QL-550**

Angli heildar 1300 39



FÖGNUÐU OPNUN HÓTELSINS Gréta Björg Blængsdóttir, sölustjóri Radisson, Nína Thomassen hóteltjóri, Andri Már Ingólfsson, eigandi Heimshótelna, Valgerður Franklinsdóttir og Laufey Kristjánsdóttir.

Eimskipshúsið orðið að hóteli

Veitingastaðurinn Salt verður á jarðhæðinni.



LEIST VEL Á NÝJA HÓTELIÐ Kolbrún Bergþórsdóttir blaðamaður skoðaði sig um í góðum félagskap.



ÞRAUTREYNDIR FJÖLMIÐLAMENN Kári Jónasson, ritstjóri Fréttablaðsins, ásamt Jóni Ársæli Þórðarsyni sjónvarpsmanni og Ásgeiri Friðgeirssyni fjölmiðlatengill Samson hópsins.



LYFTU GLÖSUM AF TÍLFNI OPNUNARINNAR Birgir Ísleifur Gunnarsson, seðlabankastjóri, og Erlendur Hjaltason, forstjóri Meiðs.

Radisson SAS 1919 Hótel opnaði með pomp og pragt í síðustu viku. Hótelid er 70 herbergja, fjögurra stjörnu lúxushótel í miðbæ Reykjavíkur. Nafn hótelsins, 1919 Hótel, er dregið af árinu sem bygging hússins hófst. Andri Már Ingólfsson og fyrirtæki hans Heimshótel ehf. keypti á síðasta ári hið sögufræga hús við Pósthússtræti, sem í rúm 80 ár hýsti höfuðstöðvar Eimskipafélags Íslands. Ennfremur voru fest kaup á samliggjandi byggingu við Tryggvagötu 28.

Rekstur hótelsins verður í höndum Radisson SAS hótelleiðjunnar. Húsið verður áfram í eigu Heimshótelna, sem einnig hafa borið hitann og þungann af breytingum þess. Samhliða opnun hótelsins tekur til starfa veitingastaður á jarðhæð þess, sem ber nafnið Salt. Yfirmatreiðslumaður er Ragnar Ómarsson, landsliðsmaður í matreiðslu. z - dh



SIRKUS

MATSÖLUSTAÐUR

Grill og pizzur, velta á uppleið, núna í 4,5 milljónum á mánuði, góð framlegð.



FYRIRTÆKJASALA
- heilsugar um þinn bag -
Suðurlandsbraut 50 - bláu húsin v/Faxafen - 108 Reykjavík

533 4300

Ingvaldur Mar Ingvaldsson viðskiptafræðingur
ingvaldur@husid.is

SÖLUSKRÁ HÚSSINS ER Á VEF WWW.HUSID.IS
Salómon Jónsson • Löggiltur fasteignasali

VIDEOLEIGA OG GRILL

Góð staðsetning í góðu hverfi, skóli við hliðina á staðnum, velta 4-5 milljónir á mánuði, thyglisverður staður sem vert er að skoða



FYRIRTÆKJASALA
- heilsugar um þinn bag -
Suðurlandsbraut 50 - bláu húsin v/Faxafen - 108 Reykjavík

533 4300

Ingvaldur Mar Ingvaldsson viðskiptafræðingur
ingvaldur@husid.is

SÖLUSKRÁ HÚSSINS ER Á VEF WWW.HUSID.IS
Salómon Jónsson • Löggiltur fasteignasali

HVERFISVERSLUN

Hverfisverslun sem selur alla venjulega dagvöru og er að auki með videoleigu.



FYRIRTÆKJASALA
- heilsugar um þinn bag -
Suðurlandsbraut 50 - bláu húsin v/Faxafen - 108 Reykjavík

533 4300

Ingvaldur Mar Ingvaldsson viðskiptafræðingur
ingvaldur@husid.is

SÖLUSKRÁ HÚSSINS ER Á VEF WWW.HUSID.IS
Salómon Jónsson • Löggiltur fasteignasali

KAUPENDUR FYRIRTÆKJA ATHUGIÐ

ERUM MEÐ FJÖLDA FYRIRTÆKJA Á SKRÁ, KÍKIÐ Í HEIMSÓKN OG VIÐ FÖRUM YFIR MÁLIN MEÐ ÞÉR



FYRIRTÆKJASALA
- heilsugar um þinn bag -
Suðurlandsbraut 50 - bláu húsin v/Faxafen - 108 Reykjavík

533 4300

Ingvaldur Mar Ingvaldsson viðskiptafræðingur
ingvaldur@husid.is

SÖLUSKRÁ HÚSSINS ER Á VEF WWW.HUSID.IS
Salómon Jónsson • Löggiltur fasteignasali

Ert þú fastur í frumskógi flutningsleiða? Láttu okkur finna lausnina



Fraktlausnir
Flutningar án landamæra



Skútuvegur 1e · Sími 5 200 600 · frakt@frakt.is · www.frakt.is

Stendur og fellur með starfsfólkinu

Páll Gunnar Pálsson tekur við starfi forstjóra hins nýja Samkeppniseftirlits þann 1. júlí næstkomandi. Markaðurinn sendi honum póst og forvitnaðist um vonir og væntingar hans til starfsins.

Hvernig leggst nýja starfið í þig? Það leggst vel í mig. Nýtt samkeppniseftirlit mun byggja á þeim grunni sem þegar hefur verið lagður en síðan verður svigrúm til að móta stofnunina til frekara gagns fyrir samfélagið.

Í hverju felst starf forstjóra Samkeppniseftirlitsins?

Forstjóri annast daglega stjórnun á starfsemi og rekstri stofnunarinnar. Meginverkefni forstjóra er að sjá til þess að á hverjum tíma starfi fjölbreyttur hópur hæfra starfsmanna að verkefnum þeim sem Samkeppniseftirlitinu er ætlað að sinna og að verkin séu unnin með skilvirkum og vönduðum hætti. Svona starfsemi stendur að sjálfsögðu og fellur með því starfsfólki sem vinnur verkin. Mannleg samskipti skipta því miklu máli í svona starfi.

Telur þú að breytingarnar á skipan samkeppnismála séu til batnaðar?

Það mun m.a. ráðast af því hvernig Samkeppniseftirlitið skipuleggur sín störf og vinnur verkin. Ætlunin er að veita meiri fjármunum í þessi verkefni og Samkeppniseftirlitið mun kappkosta að nýta þá fjármuni sem best og ganga eftir því að fjárhagslegt svigrúm til þessa eftirlits verði nægilegt. Breytingarnar nú fela hins vegar ekki í sér miklar breytingar á reglum á samkeppnismarkaði eða heimildum í samkeppniseftirliti. Ég ætla að geyma mér að tjá skoðanir mínar á þeim þætti en vænti þess að Samkeppniseftirlitið taki virkan þátt í opinberri umræðu um samkeppnisreglur og þau tæki sem það þarf á að halda til að sinna hlutverki sínu.

Nú hefur talsvert verið rætt um afskipti stjórnvalda af samkeppnismálum í landinu. Telur

þú að með breytingunum verði samkeppnisyfirvöld óháðari stjórnvöldum en áður?

Ég get ekki svarað því hvernig afskipti stjórnvalda af samkeppnismálum hafa horft við Samkeppnisstofnun hingað til. Ég vænti þess hins vegar að

þau verði sem minnst í tíð Samkeppniseftirlitsins. Það stjórnskipulag sem lög mæla fyrir um í nýju Samkeppniseftirliti er líklegt til að stuðla að sjálfstæði stofnunarinnar þar sem forstjóri sækir ekki umboð sitt til ráðherra heldur fjölskipaðrar stjórnar sem fer með yfirstjórn Samkeppniseftirlitsins. Ég geng út frá því að aðkoma stjórnvalda að Samkeppniseftirlitinu einskorðist við það að tryggja nægilega fjármuni til verkefnisins. Samkeppniseftirlitið mun hins vegar ótvírætt ráða því hvernig það hagar störfum sínum innan samkeppnislaga.

Hvernig er staðan á íslensku viðskiptalífi? Hvað er það sem forstjóri hins nýja eftirlits þarf helst að hafa áhyggjur af?

Samkeppniseftirlitið þarf að huga vel að stjórnunar- og eignatengslum í íslensku viðskiptalífi. Margt bendir til þess að eignatengsl séu að verða sífellt flóknari og að eftir mikið umbreytingaferli þurfi að gæta þess vel að óæskileg tengsl dragi ekki úr samkeppni. Samkeppniseftirlitið þarf að gera sig gildandi í þessu verkefni sem og öðrum verkefnum sem undir það heyra.

Stenst skipan samkeppnismála í landinu fyllilega samanburð við þær þjóðir sem við miðum okkur helst við?

Það verður keppikefli Samkeppniseftirlitsins að gæta þess að svo sé. Ég kem ekki að þessu starfi með fyrirfram mótaðar skoðanir á því hver staðan sé núna. Ég veit hins vegar úr mínu fyrra starfi hversu mikilvægt það er fyrir íslenskt viðskipta- og efnahagslífi að eftirlitsstofnanir á þessu sviði og þær reglur sem þær framfylgja standist samanburð við nágrannalöndin. Það er mikilvægt með tilliti til samkeppnishæfni íslensks markaðar í heild sinni.

TÖLVUPÓSTURINN
Til Páls Gunnars Pálssonar
forstjóra
Samkeppniseftirlitsins



GYLFI MAGNÚSSON, FORMAÐUR STJÓRNAR SAMKEPPNISEFTIRLITSINS Segir breytingarnar á skipan samkeppnismála til hins betra. Með auknu fé megi gera „meira, hraðar og betur en til þessa“.

Ákvarðanatökufærið stytt og einfaldað

Þann 1. júlí næstkomandi taka breytingar á samkeppnislögum gildi. Meira fé verður veitt til málaflöksins og skipulagsbreytingar gerðar. Jón Skaftason rýndi í nýju lögin og spjallaði við Gylfa Magnússon, formann stjórnar Samkeppniseftirlitsins.

Valgerður Sverrisdóttir viðskiptaráðherra lagði á síðasta ári fyrir Alþingi frumvarp um breytingu á samkeppnislögum. Fól það í sér talsverðar breytingar á eftirliti opinberra stofnana með samkeppnis- og markaðsmálum. Frumvarpið fékkst samþykkt og felur í sér að skipan samkeppnismála verður tekin í gegn.

BREYTINGAR

Samkeppnismál og eftirlit voru áður á könnu þriggja stofnanna; Samkeppnisstofnunar, samkeppnisráðs og Löggildingarstofu. Verða þær allar lagðar niður.

Í stað þeirra koma tvær nýjar stofnanir; Samkeppniseftirlitið og Neytendastofa. Neytendastofa skal taka við verkefnum Samkeppnisstofnunar er lúta að neytendum og þeim verkefnum sem unnin eru hjá Löggildingarstofu.

Samkeppniseftirlitið mun eins og nafnið gefur til kynna taka að sér önnur verkefni sem áður voru á könnu Samkeppnisstofnunar. Með yfirstjórn Samkeppniseftirlitsins fer þriggja manna stjórn, skipuð af ráðherra til fjögurra ára í senn. Stjórnin ræður síðan forstjóra eftirlitsins, sem annast daglega stjórnun og rekstur auk þess sem hann ræður starfsmenn stofnunarinnar. Hefur stjórnin nú skipað forstjóra og er það Páll Gunnar Pálsson, sem áður starfaði hjá Fjármálaeftirlitinu.

HLUTVERK OG VALDSVIÐ

Í verklýsingu Samkeppniseftirlitsins sem finna má í nýjum samkeppnislögum er hlutverk þess og valdsvið skilgreint ítarlega. Eftirlitinu ber að sjá til þess að atvinnurekendur fari að samkeppnislögum og að ákvarða aðgerðir opinberra fyrirtækja gegn samkeppnishamlandi hegðun fyrirtækja.

Jafnframt er eftirlitinu ætlað að gæta þess að opinberir aðilar hamlu ekki samkeppni, benda yfirvöldum á leiðir til að gera samkeppni virkari og að auðvelda aðgang nýrra aðila að markaði.

Eftirlitið skal fylgjast með því hvort einkenni hringamyndunar sé að finna í íslensku viðskiptalífi, eða önnur einkenni valdasambjöppunar sem takmarkað geti samkeppni.

Samkeppniseftirlitinu er í sjálfsvald sett hvort erindi sem stofnuninni berst gefi nægar ástæður til rannsókna. Ákvarðanir Samkeppniseftirlitsins sæta kæru til sérstakrar nefndar, áfrýjunarnefndar samkeppnismála. Þar sitja þrjú menn, skipaðir af ráðherra eftir tilnefningu Hæstaréttar.

MEIRA, HRAÐAR OG BETUR

Formaður stjórnar Samkeppniseftirlitsins er Gylfi Magnússon hagfræðingur. Hann segir hugsunina með breytingunum fyrst og fremst vera þá að skilja í sundur eftirlit með samkeppnishömlun og neytendavernd.

Neytendastofa mun taka yfir mörg verkefna Samkeppnisstofnunar og Löggildingarstofu: „Það fer betur á því að hafa verkaskiptingu svona,“ segir Gylfi.

Hann telur Samkeppniseftirlitið nú geta einbeitt sér að þeim málum sem lúta að samkeppni í landinu: „Samkeppniseftirlitið getur þá einblínt á þætti sem snúa beint að samkeppni milli fyrirtækja; spurningum um hluti eins og samráð, markaðsráðandi stöðu, samruna og ýmis önnur verkefni sem skipta höfuðmáli fyrir heilbrigða samkeppni á Íslandi.“

Gylfi bendir á að um talsverða kerfisbreytingu sé að ræða og hugmyndin sé sú að einfalda ákvarðanatöku. Samkeppnisstofnun hefur hingað til ekki tekið ákvarðanir heldur aðeins undirbúið mál fyrir neytendaráð, sem síðan hefur úrskurðað. Samkeppniseftirlitið sjálf mun nú taka ákvarðanir: „Með þessu er ferlið allt stytt og einfaldað,“ segir Gylfi.

Áfrýjunarferlið verður þó eftir sem áður svipað: „Úrskurðum Eftirlitsins má áfrýja til áfrýjunarnefndar samkeppnismála og þaðan til dómstóla, telji menn þess þörf.“


Gylfi velkist ekki í vafa um að breytingarnar séu til batnaðar: „Ég er alls ekki að kasta rýrð á verk Samkeppnisstofnunar en það er ýmislegt sem betur má fara í þessum málaflökki.“

Fjárveitingar til samkeppnismála verða auknar og telur Gylfi það skipta gróðarlegu máli: „Með meira fé á að vera hægt að gera meira, hraðar og betur en til þessa“.

Talstöðin
FM 90,9

Hafliði Helgason ritstjóri Markaðarins fjallar um ýmsa þætti viðskiptalífsins. Alla virka daga kl. 17:30

MARKAÐURINN



Vertu viss um að fá betri kökuna

BLT STENDUR FYRIR BYLGJUNA, LÉTT 96,7 OG TALSTÖÐINA

Hlustendur okkar eru í þínum markhóp – um 70% hlustenda Bylgjunnar, Létt 96,7 og Talstöðvarinnar eru yngri en 50 ára. Samkeyrðar auglýsingar á BLT tryggja að skilaboðin þín komast áleiðis til mikilvægasta markhópsins. Er nokkur spurning hvora kökuna þú velur?



BANKAHÓLFID



Tókýó dýrust

Höfuðborg Japans, Tókýó, er dýrasta borg veraldar samkvæmt nýrri könnun Mercer Human Resourcing-ráðgjafarfyrirtækisins.

Könnunin er gerð árlega og tekur til flestra þeirra þátta er lúta að neyslukostnaði.

Osaka, sem einnig er í Japan, varð í öðru sæti en London lenti í þriðja og er þar með dýrasta borg Evrópu. Moskva varð í því fjórða og Seúl, höfuðborg Suður-Kóreu, í fimmta sæti.

New York er dýrasta borg Ameríku, í þrettánda sætinu. Reykjavík var ekki í hópi þeirra 144 borga sem könnunin tók til.

Markaskorari í marki

Átökin í Íslandsbanka hafa verið á milli tannanna á fólki. Vinnufriðurinn í Íslandsbanka er reglulega truflaður af því að verið er að verja stöðuna í eiginendahópi bankans. Einn sagði sem svo að KB banki væri eins og heildstætt fótboltið þar sem valinn maður væri í hverri stöðu á velli og allir væru í sóknarhug.

Íslandsbanki væri hins vegar eins og íslenska fótboltalandsliðið með einn yfirburðaspilara sem væri alltaf upptekinn við að verja eignarhaldið í bankanum. Líkti hann því við að Eiður Smári Guðjohnsen væri hafður í marki í íslenska fótboltalandsliðinu.



Icelandair Group

Það vakti mikla kátínu meðal sumra gesta í hófi, sem borgarstjóri San Francisco hélt fyrir íslenska ferðalanga á vegum FL Group, þegar Halldór Ásgrímsson forsætisráðherra bað menn um að hrópa ferfalt húrra fyrir Icelandair.

Stjórnarmenn félagsins brostu í kampinn, enda hefur nafni Icelandair verið breytt í FL Group. Segir þetta þó margt um styrk vörumerkisins Icelandair sem sumir telja að sé það öflugasta sem Íslendingar hafi nokkru sinni átt. Gætu eigendur FL Group náð sáttum við þjóðina með því að breyta heiti félagsins í Icelandair Group?

2 ný félög skráð í Kauphöllina frá því að Markaðurinn kom síðast út miðvikudaginn 15. júní.

3,8% hækkun fasteignaverðs í maí síðastliðnum samkvæmt Fasteignamatí ríkisins.

125 milljarðar er áætluð velta Avion Group á árinu.

BANG & OLUFSEN

www.bang-olufsen.com

Síðumúla 21. Reykjavík. Sími 581 1100.

Betri þjónusta og upplýsingagjöf til viðskiptavina og lánardrottna

Fyrirtækjabanki

B2B | Banki til bókhalds



Landsbankinn
Banki allra landsmanna

410 4000 | www.landsbanki.is